

四庫全書

史部

欽定四庫全書

史部

資治通鑑卷二百十五

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣嵇承志

膳錄監生臣華光楣

欽定四庫全書

資治通鑑卷一百十五

宋 司馬光 撰

胡三省 音註

唐紀三十一

起玄默敦祥盡彊圉大淵
獻十一年凡五年有奇

玄宗至道大聖大明孝皇帝中之下

天寶元年春正月丁未朔上御勤政樓

帝於興慶宮西
南隅建二樓花

萼相輝樓在西臨街以燕兄弟
勤政務本樓在南以修政事

受朝賀

朝直
選朝

赦天下改

元 壬子分平盧別為節度以安祿山為節度使

使疏
吏翻

下是時天下聲教所被之州三百二十一被皮義翻考異曰舊紀

云三百六十二按地理志開元二十八年州府三百二十八至此纔二年不應遽增三十餘州今從唐歷會要

統紀 羈縻之州八百置十節度經略使以備邊安西節度

撫寧西域統龜茲焉耆于闐疎勒四鎮治龜茲城兵二

萬四千

焉耆治所在安西府東八百里于闐在南二十里疎勒在西二十餘里龜茲音丘慈又音屈住

閼徒賢翻又徒見翻

北庭節度防制突騎施堅昆統瀚海天山伊

吾三軍屯伊西二州之境治北庭都護府兵二萬人突騎

施牙帳在北庭府西北三千餘里堅昆在北七十里瀚海軍在北庭府城內兵萬二千人天山軍在西州城內

兵五千人伊吾軍在伊州西北三百里甘露川兵三千人騎奇寄翻河西節度斷隔吐蕃

突厥

斷丁管翻吐從瞰入解厥九勿翻

統赤水大斗建康寧寇玉門墨

離豆盧新泉八軍張掖交城白亭三守捉屯涼肅瓜沙

會五州之境治涼州兵七萬三千人

赤水軍在涼州城內兵三萬三千人

大斗軍在涼州西二百餘里甘肅二州界兵七十五百人建康軍在涼州西二百里兵五千三百人寧寇軍在涼州東北千餘里兵八十五百人玉門軍在肅州西二百里管兵五千二百人墨離軍本月氏國在瓜州西北千里管兵五千人豆盧軍在沙州城內管兵四千三百人新泉軍在會州西北二百里管兵千人張掖守捉在涼州南二百里管兵五百人交城守捉在涼州西二百里管兵千人白亭守捉在涼州西北五百里管兵千七

百人唐制大曰軍小曰守捉趙珣聚米圖經自甘川西至肅州五百里自肅州西至瓜州四百五十里自瓜州西至沙州二百八十里自沙州西至伊州四百里會州東至鹽州八百里西至涼州六百里南至宋鎮戎軍一百四十里北至靈州六百里

朔方節度捍禦突厥統經略豐安定遠

三軍三受降城安北單于二都護府屯靈夏豐三州之

境治靈州兵六萬四千七百人

經略軍在靈州城內兵二萬七百人豐安軍在

靈州西黃河外百八十里兵八千人定遠軍在靈州東北二百里黃河外兵七千人西受降城在豐州北黃河外八十里兵七千人安北都護府治中受降城黃河北岸兵六千人東受降城在勝州東北二百里兵七千人振武軍在單于都護府城內兵九千人降戶江翻單音蟬夏戶惟翻河東節度與朔方犄

角以禦突厥統天兵大同橫野岢嵐四軍雲中守捉屯

太原府忻代嵐三州之境治太原府兵五萬五千人

天兵

軍在太原城內兵三萬人大同軍在代州北三百里兵
九千五百人橫野軍在蔚州東北一百四十里兵三千
人岢嵐軍在嵐州北百里兵一千人雲中守捉在單于
府西北二百七十里兵七千七百人忻州在太原府北
八十里兵七千八百人代州至太原五百里兵四千人
嵐州在太原府西北二百五十里兵三千人岢嵐我翻
嵐盧舍翻

范陽節度臨制奚契丹統經略威武清夷靜塞恒

陽北平高陽唐興橫海九軍屯幽薊媯檀易恒定漠滄

九州之境治幽州兵九萬一千四百人

經略軍在幽州城內兵三萬人

威武軍在檀州城內兵萬人清夷軍在媯州城內兵萬人靜塞軍在薊州城內兵萬六千人恒陽軍在恒州城東兵六千五百人北平軍在定州城西兵六千人高陽軍在易州城內兵六千人唐興軍在漠川城內兵六千人橫海軍在滄州城內兵六千人景雲元年以羸州鄭縣置鄭州開元十三年以鄭字類鄭字改為漠州尋又改莫州契欺訖翻又音契恒平盧節度鎮撫室韋靺鞨戶登翻薊音計媯居為翻

統平盧盧龍二軍榆關守捉安東都護府屯營平二州之境治營州兵三萬七千五百人

平盧軍在營州城內兵萬六千人盧龍軍

在平州城內兵萬人榆關守捉在營州城西四百八十里兵三千人安東都護府在營州東三百里兵八千五百人靺鞨音末曷榆隴右節度備禦吐蕃統臨洮河源

當作偷注詳見上卷

白水安人振威威戎漢門寧塞積石鎮西十軍綏和合

川平夷三守捉屯鄯廓洮河之境治鄯州兵七萬五千

人

臨洮軍在鄯州城內兵萬五千人河源軍在鄯州西
百二十里兵四十人白水軍在鄯州西北二百三十

里兵四千人安人軍在鄯州界星宿川西兵萬人振威
軍在鄯州西三百里兵千人威戎軍在鄯州西北三百

五十里兵千人漢門軍在洮州城內兵五千五百人寧
塞軍在廓州城內兵五百人積石軍在廓州西百八十

里兵七千人鎮西軍在河州城內兵萬一千人綏和守
捉在鄯州西南二百五十里兵千人合州守捉在鄯州

南百八十里兵千人平夷守捉在河州西南四十
十里兵三千人洮土刀翻鄯時戰翻又奇善

劔南節

度西抗吐蕃南撫蠻獠統天寶平戎昆明寧遠澄川南

江六軍屯益翼茂當雋柘松維恭雅黎姚悉十三州之

境治益州兵三萬九百人

團結營在成都府城內兵萬四千人天寶軍在荊州東南

九十里兵千人平戎軍在荊州南八十里兵千人昆明軍在萬州南兵五千一百人寧遠軍在萬州西兵三百人澄州守捉在姚州東六百里管兵二千人南江軍兵三百人翼州兵五百人茂州兵三百人維州兵五百人柘州兵五百人松州兵二千八百人當州兵五百人雅州兵四百人黎州兵十人姚州兵三百人悉州兵五千
人杜佑曰當州江源郡在翼州西二百七十里西北到故通軌縣二百里以西即是生羗悉州在當州南八十里黎州漢沉黎郡也東去一里高山萬重更無郡縣西南去郡一里高山萬重東北去郡五里西北去郡二里皆高山萬重茂州劉昫曰隋汶山郡武德元年改曰會州貞觀八年改曰茂州以郡界茂濕山為名松州東至

茂州三百里西南至當州三百里西北至吐蕃界九十里南至翼州一百八十里恭州開元二十四年分靜州廣平縣置東至柘州一百里悉州西北至當州八十里獠蠻皓翻舊音馳嶺南五府經略綏

靜夷獠統經略清海二軍桂容邕交四營治廣州兵萬

五千四百人

經略軍在廣州城內兵五千四百人清海軍在恩州城內兵二千人桂府兵千人容

府兵千一百人邕府兵千七百人安南府兵四千二百人已上兵輕稅本鎮以自給此外又有長

樂經畧福州領之

樂音洛

兵千五百人東萊守捉萊州領

之東牟守捉登州領之兵各千人凡鎮兵四十九萬人

捉仄角翻

考異曰此兵數唐歷所載也舊紀是歲天下健兒團結彊騎等總五十七萬四千七百三十三此

茲止言邊兵彼并京

馬八萬餘匹

安西北府馬二千七百匹
北庭瀚海軍馬四

千二百匹天山軍馬五百匹伊吾軍馬三百匹河西亦
水軍馬萬三千匹大斗軍馬二千四百匹建康軍馬五
百匹寧寇玉門軍共管馬六百匹墨離軍馬四百匹豆
盧軍馬四百匹朔方經略軍馬三千匹安豐軍馬千三
百匹定遠軍馬二千匹西受降城馬千七百匹中受降
城馬二千匹東受降城馬千七百匹振武軍馬千六百
匹河東大兵軍馬五千五百匹雲中守捉馬二千匹大
同軍馬五千五百匹橫野軍馬千八百匹范陽經略軍
馬五千四百匹威武軍馬三百匹清夷軍馬三百匹靜
塞軍馬五百匹平盧軍馬四十二匹盧龍軍馬五百匹
匹榆關守捉馬百匹安東府馬七百匹隴右臨洮軍馬
八千匹河源軍馬六百匹白水軍馬五百匹安人
軍馬三百匹五十匹威武軍馬五百匹漢門軍馬二百匹
寧塞軍馬五十匹積石軍馬三百匹劔南團結營馬千

八百匹昆明
軍馬二百匹

開元之前每歲供邊兵衣糧費不過二百

萬天寶之後邊將奏益兵浸多每歲用衣千二十萬疋

糧百九十萬斛

安西衣賜六十二萬疋段北庭衣賜四十八萬疋段河西衣賜百八十萬疋段

朔方衣賜二百萬疋段河東衣賜百二十萬疋段糧五十萬石范陽衣賜八十萬疋段糧五十萬石平盧失

衣糧數隴右衣賜二百五十萬疋段劍南公私勞費民

始困苦矣

甲寅陳王府參軍田同秀

皇子陳王珪府參軍也

上

言見玄元皇帝於丹鳳門之空中告以我藏靈符在尹

喜故宅

上時掌翻下上表同

上遣使於故函谷關尹喜臺旁求得

之列仙傳曰關令尹喜者周大夫也老子西游喜先見其氣候物色而迹之果得老子老子亦知其旨為著

道德經使疏吏翻

陝州刺史李齊物穿三門運渠辛未渠成

新書曰齊物鑿砥柱為門以通漕開其山巔為輓路沃陂而鑿之然棄石入河水流湍怒舟不能入新門候水

漲以人輓舟而上天子疑之遣宦者按視齊物厚賂宦者還言其便陝失丹翻齊物神通之曾

孫也淮安王神通

壬辰羣臣上表以函谷靈符潛應年號

先天不違易曰先天而天不違先悉薦翻請於尊號加天寶字從之

二月辛卯上享玄元皇帝於新廟時置玄元廟於大寧坊西南角甲午

享太廟丙申合祀天地於南郊赦天下改侍中為左相

中書令為右相尚書左右丞相復為僕射

開元初改左右僕射為尚

書左右丞相復扶又翻下清復同

東都北都皆為京州為郡刺史為太

守改桃林縣曰靈寶

隋開皇十六年置桃林縣取古者桃林之野以為縣名屬洛州唐屬

陝州今以得玄元靈符改曰靈寶守式又翻

田同秀除朝散大夫

朝直遙翻散志重翻

時人皆疑寶符同秀所為間一歲清河人崔以清復言

見玄元皇帝於天津橋北云藏符在武城紫微山

武城即漢

之東武城縣與清河縣皆屬清河郡

敕使往求亦得之東都留守王倓知

其詐按問果首服

使疏吏翻守式又翻下太

奏之上亦

不深罪流之而已 三月以長安令韋堅為陝郡太守

陝郡陝州
陝失舟翻

領江淮租庸轉運使

先天中李傑為陝州刺史領水陸發運使置使

自傑始也裴耀卿之後命堅始以租庸使入銜使疏吏反下同

初宇文融既敗言利者

稍息

事見二百十三卷開元十八年

及楊慎矜得幸

事始二百十三卷二十一年

於

是韋堅王鉷之徒

鉷戶公翻

競以利進百司有利權者稍稍

別置使以領之舊官充位而已

史言諸使所由始

堅太子之妃

兄也為吏以幹敏稱上使之督江淮租運歲增巨萬上

以為能故擢任之王鉷方翼之曾孫也

自高宗至武后朝王方翼著功

名于西域亦以善治租賦為戶部員外郎兼侍御史治直之翻

李林甫為相凡才望功業出已右及為上所厚勢位將

逼已者必百計去之去羗呂翻尤忌文學之士或陽與之善

啗以甘言而陰陷之世謂李林甫口有蜜謂其言甘也啗徒濫翻又

徒覽翻腹有劍謂其心在害人也上嘗陳樂於勤政樓垂簾觀之

兵部侍郎盧絢謂上已起垂鞭按轡橫過樓下絢風標

清粹上目送之深歎其蘊藉絢詐縣翻蘊於運翻林甫常厚以金

帛賂上左右上舉動必知之乃召絢子弟謂曰尊君素

望清崇今交廣藉才聖上欲以尊君為之可乎若憚遠

行則當左遷不然則以賓詹分務東洛

謂以太子賓客詹事分司東都

也亦優賢之命也何如絢懼以賓詹為請林甫恐乖衆

望乃除華州刺史

華戶化翻

到官未幾誣其有疾州事不理

除詹事員外同正

幾居寅翻

上又嘗問林甫以嚴挺之今安

在是人亦可用挺之時為絳州刺史林甫退召挺之弟

損之諭以上待尊兄意甚厚蓋為見上之策奏稱風疾

求還京師就醫挺之從之林甫以其奏白上云挺之衰

老得風疾宜且授以散秩使便醫藥上歎吒久之

散秩
賈翻

吒步
駕翻

夏四月壬寅以為詹事又以汴州刺史河南采訪

使齊澣為少詹事

唐少詹事正四品上
汴皮變翻使疏吏翻

皆員外同正於

東京養疾澣亦朝廷宿望故并忌之上發兵納十姓

可汗阿史那昕於突騎施至俱蘭城

俱蘭國所都城也
俱蘭或曰俱羅弩

或曰屈浪擎與吐火羅接可從刊入聲汗音寒騎
奇寄翻考異曰會要作俱南城胡語不明耳

為莫

賀達干所殺突騎施大纛官都摩度來降

纛徒到翻
降戶江翻

六

月乙未冊都摩度為三姓葉護秋七月癸卯朔日有

食之 辛未左相牛仙客薨八月丁丑以刑部尚書李

適之為左相 突厥拔悉密回紇葛邏祿三部共攻骨

咄葉護殺之推拔悉密酋長為頡跌伊施可汗回紇葛

邏祿自為左右葉護

厥九勿翻紇下沒翻邏郎佐翻咄當沒翻酋慈由翻頡奚結翻跌徒

結翻

突厥餘衆共立判闕特勒之子為烏蘇米施可汗以

其子葛臘哆為西殺

哆昌者翻突厥以其親屬分掌東西兵號左右殺亦曰東西殺西殺

右殺也

上遣使諭烏蘇令內附烏蘇不從朔方節度使王

忠嗣盛兵磧口以威之

使疏吏翻磧七迹翻考異曰新舊書忠嗣傳皆曰是歲忠嗣

北伐與奚怒皆戰于桑乾河三敗之大虜其衆又曰明年再破怒皆突厥之衆自是塞外晏然按朔方不與奚相接不知所云奚怒皆何也今闕之烏蘇懼請降而遷延不至忠嗣知其

詐乃遣使說拔悉密回紇葛邏祿使攻之烏蘇遁去忠

嗣因出兵擊之取其右廂以歸

擊垂亡之虜猶不肯輕用其兵此王忠嗣所以

為善將也突厥左右殺所部謂之左右廂降戶江翻說翰芮翻紇下沒翻邏郎佐翻

丁亥突厥西

葉護阿布思及西殺葛臘哆默啜之孫勃德支伊然小

妻毗伽登利之女帥部衆千餘帳相次來降

意此皆突厥右廂之

衆也啜陟者翻伽求迦翻帥讀曰率考異曰實錄舊紀皆云突厥阿布思之孫登利可汗之女與其黨屬來

降唐歷云烏蘇米施可汗遁逃其西葉護阿布思及毗伽可汗可敦男西殺葛臘哆率其部千餘帳來降舊王忠嗣傳云三部落攻米施可汗走之忠嗣因出兵伐之取其右廂而歸其西葉護及毗伽可敦男葛臘哆率其部落千餘帳入朝突厥傳云西殺妻子及默啜之孫勃德支特勒毗伽可汗女大洛公主伊然可汗小妻余塞匐登利可汗女余燭公主及阿布思頡利突厥遂微九發等並帥其部衆相次來降今參取用之

月辛亥上御花萼樓宴突厥降者

考異曰本紀作辛卯按長歷是月己卯

朔無辛卯唐歷云九日辛卯亦誤也

賞賜甚厚

護密先附吐蕃戊午其

王頡吉里匐遣使請降

頡奚結翻匐蒲北翻

冬十月丁酉上幸

驪山溫泉已已還宮

十二月隴右節度使皇甫惟明

奏破吐蕃大嶺等軍戍戍又奏破青海道莽布支營三

萬餘衆斬獲五千餘級庚子河西節度使王倕奏破吐

蕃漁海及遊奕等軍

史言明皇喜邊功故邊帥告捷者相繼誦音垂

是歲天

下縣一千五百二十八鄉一萬六千八百二十九戶八

百五十二萬五千七百六十三口四千八百九十萬九

千八百 回紇葉護骨力裴羅遣使入貢

考異曰舊傳云天寶初

其酋長葉護頡利吐發遣使入朝封奉義王唐歷天寶三載突厥拔悉密可汗又為回紇葛邏祿等部落襲殺之立回紇為主是為骨咄祿毗伽闕可汗遣使立為奉義王又加懷仁可汗新突厥傳云回紇葛邏祿殺拔悉

案可汗奉回紇骨力裴羅定其國是為骨咄祿毗伽闕
可汗按奉義王懷仁可汗是一人而新突厥回紇傳其
名不同然新傳自吐述度賜爵奉義王明未冊為
可汗也

二年春正月安祿山入朝

朝直
逆翻

上寵待甚厚謁見無時

見賢
遍翻

祿山奏言去年營州蟲食苗臣焚香祝天云臣若

操心不正事君不忠願使蟲食臣心若不負神祇願使

蟲散即有羣鳥從北來食蟲立盡請宣付史官從之

操
干

高
翻

李林甫領吏部尚書日在政府

政府謂
政事堂

選事悉委

侍郎宋遙苗晉卿御史中丞張倚新得幸于上遙晉卿

欲附之時選人集者以萬計

選須
絹翻

入等者六十四人倚子

與為之首羣議沸騰前薊令蘇孝韞以告安祿山

薊縣
帶幽

州涿郡時改涿郡
為范陽郡薊音計

祿山入言於上上悉召入等人面試

之與手持試紙終日不成一字時人謂之曳白癸亥選

貶武當太守晉卿貶安康太守倚貶淮揚太守

武當郡
均州安

康郡金州木西城郡元年更郡名淮陽郡陳州舊志
金州京師南七百三十七里陳州一千五百二十里

同

考判官禮部郎中裴肱等皆貶嶺南官晉卿壺關人也

壺關縣自漢以來屬上黨郡而唐上黨縣乃漢壺關縣
隋分置上黨縣帶郡唐武德四年分隋之上黨縣置壺

開縣治高望堡貞觀十七年移治進流川岷數尾翻

三月壬子追尊玄元皇帝

父周上御大夫為先天太皇又尊臯繇為德明皇帝涼

武昭王為興聖皇帝

唐虞之世臯繇為理唐以為李氏得姓之始故追尊為德明皇帝涼

武昭王萬高祖之七世祖建國于瓜沙李氏由是而興故尊為興聖皇帝繇余招翻

江淮南租

庸等使韋堅引漕水抵苑東望春樓下為潭

苑禁苑也潭在長安

城東九里漕音產

以聚江淮運船役夫匠通漕渠發人丘壑自

江淮至京城民間蕭然愁怨二年而成丙寅上幸望春

樓觀新潭堅以新船數百艘扁榜郡名各陳郡中珍貨

於船背陝尉崔成甫著錦半臂缺胯綠衫以賜之

艘蘇遭翻

扁補典翻陝失冉翻著陟略翻
胯苦瓦翻褐先擊翻袒衣也

紅裙首

裙莫白翻裙首
今人謂之抹額

居前船唱得寶歌

先是民間唱俚歌曰得體純那邪其
後得寶符于桃林成甫乃更純體歌

為得寶弘農野歌曰得寶弘農野弘農得寶那潭東舟
船開揚州銅器多三郎當殿坐聽唱得寶歌其俚又甚

焉

使美婦百人盛飾而和之

和戶卧翻

連檣數里堅跪進諸

郡輕貨仍上百牙盤食

程大昌演繁露曰唐少府監御
饌器用九飭食以牙盤九枚裝

食味於上置上前亦謂
之看席仍上時掌翻

上置宴竟日而罷觀者山積夏

四月加堅左散騎常侍

散飛置翻
騎奇寄翻

其僚屬吏卒褒賞有

差名其潭曰廣運時京兆尹韓朝宗亦引渭水置潭於

西街以貯材木

朝直遙翻
貯丁呂翻

丁亥皇甫惟明引軍出西

平

西平郡
即鄯州

擊吐蕃行千餘里攻洪濟城破之

杜佑曰鄯
州達化縣

有洪濟鎮周武帝遜吐谷渾所築在縣西二百七十里
長慶中劉元鼎為盟會使言河之上流由洪濟西行二
千里水益狹冬春可涉夏秋乃勝舟其南三百里三山
中高四下曰歷山直大羊同國古所謂昆侖者也虜曰
悶摩黎山東距長安五千里河源其間流澄緩下稍合
衆流色赤行益遠他水并注則濁河源東北直莫賀延
碛尾隱洴其地蓋在劔南之西此劉元
鼎因洪濟城而上叙河源附見于此

上以右贊善

大夫楊慎矜

龍朔二年改太子中允為贊善大夫咸亨
元年復置中允而贊善大夫不廢後又分

左右各置五員班左右諭德下諭德掌諭
太子以道德贊善掌翊贊太子以規諷
知御史中丞

事時李林甫專權公卿之進有不出其門者必以罪去

之

去羗
呂翻

慎矜由是固辭不敢受五月辛丑以慎矜為諫

議大夫

冬十月戊寅上幸驪山溫泉乙卯還宮

戊寅
至乙

卯三十八日史言帝耽樂而忘返驪力知翻還從宣翻
又音如字 考異曰舊紀十月戊寅幸溫泉宮十一月

乙卯還宮與寶錄同十二月戊申又幸溫泉宮丙辰還
宮寶錄無按十二月丙寅朔無戊申丙辰唐歷十一月
戊申幸溫泉宮丙辰還京又
與寶錄本紀不同今皆不取

三載春正月丙申朔改年曰載

載子
亥翻

辛丑上幸驪山

溫泉二月庚午還宮

往還亦幾三旬

辛卯太子更名亨

衡工衡翻

海賊吳令光等抄掠台明

明州漢句章鄞縣之地屬會稽鄞開元二十六年采訪使

齊濟奏以越州之鄞縣置明州以境內有四明山因名抄楚交翻

命河南尹裴敦復將

兵討之

將即亮翻

三月己巳以平盧節度使安祿山兼范

陽節度使以范陽節度使裴寬為戶部尚書

使疏吏翻尚辰羊翻

禮

部尚書席建侯為河北黜陟使稱祿山公直李林甫裴

寬皆順旨稱其美三人皆上所信任由是祿山之寵益

固不搖矣 夏四月裴敦復破吳令光擒之 五月河

西節度使夫蒙靈登討突騎施莫賀達干斬之

按元和姓纂云

夫蒙本西羌姓後秦有建威將軍夫蒙羌今蒲同二州多此姓或改姓馬氏按考異曰會要作馬靈登今徒實

錄

更請立黑姓伊里底蜜施骨咄祿毗伽

咄當沒翻伽求迦翻考

異曰會要作伊地米里骨咄祿毗伽今徒實錄

六月甲辰冊拜骨咄祿毗伽

為十姓可汗

可從刊入解汗音寒

秋八月拔悉蜜攻斬突厥烏

蘇可汗傳首京師國人立其弟鶻隴匐白眉特勒是為

白眉可汗於是突厥大亂敕朔方節度使王忠嗣出兵

乘之至薩河內山

厥九勿翻嗣祥吏翻薩桑葛翻

破其左廂阿波達干

等十一部右廂未下會回紇葛邏祿共攻拔悉蜜頡跌
伊施可汗殺之回紇骨力裴羅自立為骨咄祿毗伽闕
可汗遣使言狀上冊拜裴羅為懷仁可汗於是懷仁南

據突厥故地立牙帳於烏德健山

回紇牙帳東有平野
西據烏德健山南依

喝昆水
居言翻

舊統藥邏葛等九姓其後又并拔悉蜜葛邏

祿凡十一部各置都督每戰則以二客部為先 李林

甫以楊慎矜屈附於己九月甲戌復以慎矜為御史中

丞充諸道鑄錢使

復扶又翻
又如字

冬十月癸巳上幸驪山

溫泉十一月丁卯還宮

術士蘇嘉慶上言遯甲術有

九宮貴神

九宮貴神蓋易乾鑿度所謂太一也注已見五十二卷漢順帝陽嘉三年時置九宮貴神

壇其壇三成成三尺四階其上依位置九壇壇尺五寸
東南曰招搖正東曰軒轅東北曰太陰正南曰天一中
央曰天符正北曰太一西南曰攝提正西曰咸池西北
曰青龍五為中戴九履一左三右七二四為上六八為
下符於遁甲仍編於勅曰九宮貴神實司水旱功佐上
帝德庇下人又黃帝九宮經一宮其神太一其星天蓬
其卦坎其行水其方白二宮其神攝提其星天内其卦
坤其行土其方黑三宮其神軒轅其星天衝其卦震其
行木其方碧四宮其神招搖其星天輔其卦巽其行木
其方綠五宮其神天符其星天禽其卦離其行土其方
黃六宮其神青龍其星天心其卦乾其行金其方白七
宮其神咸池其星天柱其卦兌其行金其方赤八宮其

神太陰其星天任其卦艮其行土其方白九宮其神
天一其星天英其卦離其行火其方紫上時掌翻典

司水旱請立壇於東郊祀以四孟月從之禮在昊天上

帝下太清宮太廟上所用牲玉皆侔天地 十二月癸

巳置會昌縣於溫泉宮下

時分新豐萬年置會昌縣雍
錄溫泉在臨潼縣南一百五

十步在驪山西北十道志曰泉有三所其一處即皇堂
石井後周宇文護所造隋文帝又修屋宇種松栢千餘

株唐貞觀十八年詔闢立德營建宮殿御湯名溫泉宮
咸亨三年名溫泉宮元和志則曰開元十一年置溫泉

宮天寶六載改為華清宮於驪山上益治湯井為池臺
殿環列山谷自開元來每歲十月臨幸歲盡乃歸以新

豐縣去泉稍遠即於湯所置會昌縣又置百司及公卿
邸第焉臨潼縣唐之新豐慶山皆其地也按通鑑開元

十一年書作溫泉
宮與元和志合

戶部尚書裴寬素為上所重李林

甫恐其入相忌之

相息亮翻

刑部尚書裴敦復擊海賊還受

請託廣序軍功寬微奏其事林甫以告敦復敦復言寬

亦嘗以親故屬敦復

屬之欲翻

林甫曰君速奏之勿後於人

敦復乃以五百金賂女官楊太真之姊使言於上甲午

寬坐貶睢陽太守

睢陽郡宋州本梁郡天寶元年更郡名睢音雖

初武惠妃薨

開元二十五年惠妃薨

上悼念不已後宮數千無當意者或言壽

王妃楊氏之美絕世無雙上見而悅之乃令妃自以其

意乞為女官號太真更為壽王娶左衛郎將韋昭訓女

史工衛翻
將即亮翻

潛內太真宮中太真肌態豐豔曉音律性警

穎善承迎上意不暮歲寵遇如惠妃宮中號曰娘子凡

儀體皆如皇后 癸卯以宗女為和義公主嫁寧遠奉

化王阿悉爛達干

帝以拔汗那助平吐火仙冊其
王為奉化王改其國曰寧遠

癸

丑上祀九宮貴神赦天下 初令百姓十八為中二十

三成丁 初上自東都還李林甫知上厭巡幸乃與牛

仙客謀增近道粟賦及和糴以實關中數年蓄積稍豐

上從容謂高力士曰朕不出長安近十年

開元二十四年上自東都

還自是不復東幸從千客翻近其新翻

天下無事朕欲高居無為悉以政

事委林甫何如對曰天子巡狩古之制也且天下大柄

不可假人彼威勢既成誰敢復議之者上不悅力士頓

首自陳臣狂疾發妄言罪當死上乃為力士置酒

復扶又翻

為手偽翻下為百同

左右皆呼萬歲力士自是不敢深言天下事

矣

力士之不敢言以李林甫機穽可畏也

四載春正月庚午上謂宰相曰朕比以甲子日

比毗至翻

於

宮中為壇為百姓祈福朕自草黃素置案上俄飛升天
間空中語云聖壽延長又朕於嵩山鍊藥成亦置壇上
及夜左右欲收之又間空中語云藥未須收此自守護
達曙乃收之太子諸王宰相皆上表賀

史言唐之君誕妄而臣諂諛

回紇懷仁可汗擊突厥白眉可汗殺之傳首京師突
厥毗伽可敦帥眾來降

可從刊入聲帥讀曰率降戶江翻

於是北邊晏

然烽燧無警矣回紇斥地愈廣東際室韋西抵金山南
跨大漠盡有突厥故地

史言回紇至此疆域

懷仁卒子磨延啜立

號葛勒可汗二月己酉以朔方節度使王忠嗣兼河東

節度使忠嗣少以勇敢自負

少詩照翻

及鎮方面專以持重

安邊為務常曰太平之將但當撫循訓練士卒而已不

可疲國中之力以邀功名

將即亮翻

有漆弓百五十斤常貯

之橐中以示不用

貯丁呂翻

軍中日夜思戰忠嗣多遣謀人

伺其間隙

謀達協翻伺相吏翻間古覓翻

見可勝然後興師故出必有

功既無兩道節制自朔方至雲中邊陲數千里

陲音垂

要

害之地悉列置城堡斥地各數百里邊人以為自張仁

亶之後將帥皆不及

張仁愿本名仁亶以睿宗諱旦音近亶避之改名仁愿將即亮翻帥

所類翻

三月壬申上以外孫獨孤氏為靜樂公主嫁契丹

王李懷節

樂音洛

甥楊氏為宜芳公主嫁奚王李延寵

宜芳

縣屬嵐州

乙巳以刑部尚書裴敦復充嶺南五府經略等

使五月壬申敦復坐逗留不之官貶淄川太守

淄川郡淄州舊

志淄州京師東北二十一百三十三里守式又翻

以光祿少卿彭杲代之上嘉

敦復平海賊之功故李林甫陷之李適之與李林甫

爭權有隙適之領兵部尚書駙馬張垧為侍郎

垧其

翻林

甫亦惡之

惡鳥路翻

使人發兵部銓曹姦利事收吏六十餘

人付京兆與御史對鞠之數日竟不得其情京兆尹蕭

炁使法曹吉溫鞠之

法曹司法參軍事掌鞠獄麗法知贓賄沒入炁大迴翻

溫入

院置兵部吏於外先於後廳取二重囚訊之或杖或壓

號呼之聲所不忍聞

號戶高翻

皆曰苟存餘生乞紙盡答兵

部吏素聞溫之慘酷引入皆自誣服無敢違溫意者頃

刻而獄成驗囚無榜掠之迹

榜音彭掠音亮

六月辛亥敕誚責

前後知銓侍郎及判南曹郎官而宥之

文宗開成二年宰相李石奏定

長定選格吏部請加置南曹郎中一人別置印以新置南曹之印為文蓋吏部先以郎官判南曹開成間因置南曹郎也宋白曰南曹起於總章二年司列常伯李敬玄奏置未置已前銓中自勘責故事兩轉廳至建中元年侍郎邵說奏挾闕替南曹郎中王鉤已後遂不轉廳貞元十一年侍郎杜黃裳請準舊例轉廳後云云同上

謂才笑翻

均之兄溫頊之弟子也

吉頊進用於武后之朝

溫始為新

豐丞太子文學薛嶷薦溫才

唐六典曰魏置太子文學魏武為丞相命司馬宣王

為文學祿其為世子所信與吳質朱鑠陳羣為太子四友自晉之後不置至後周建德三年置太子文學十人後廢唐顯慶中始置太子文學二人屬司經局掌分知經籍侍奉文章總緝經籍繕寫裝染之功筆札給用之數皆料度之

疑魚力翻

上名見

見賢通翻

顧嶷曰是一不良人朕不用

也蕭昺為河南尹嘗坐事西臺遣溫往按之

西臺西京御史臺也

溫治昺甚急

治直之翻下同

及溫為萬年丞未幾昺為京兆尹

幾居豈翻

溫素與高力士相結力士自禁中歸溫度昺必往

謝官

度徒洛翻

乃先詣力士與之談謔握手甚歡

謔迄卻翻

昺後

至溫陽為驚避力士呼曰吉七不須避

吉溫第七

謂昺曰此

亦吾故人也召還與昺坐昺接之甚恭不敢以前事為

怨它日溫謁昺曰曩者溫不敢隳國家法自今請洗心事

公昺遂與盡歡引為法曹

考異曰唐歷云溫聯按大獄附邪以出入人命者凡十

餘年性巧詆惡而不忌失意者賤問必引而陷之其欲膠固之雖王公大人立可親也初蕭昺以賊下獄溫深竟其罪後為萬年縣丞昺拜京兆尹溫見昺於高力士第乃與之相結為膠漆之交引為法曹而薦于林甫溫之進也反以昺力舊傳云昺為河南尹有事京臺差溫推詰堅執不捨及溫選昺已為京兆尹一唱萬年尉即就其官人為危之及林甫欲除不附已者求治獄吏昺今參取二書用之

薦溫於林甫林甫得之大喜溫常曰若遇知己南山白額虎不足縛也時又有杭州人羅希奭為吏深刻林甫

引之自御史臺主簿再遷殿中侍御史

唐御史臺主簿從七品上掌印

及受事發辰句檢稽失兼知官廚及黃卷

二人皆隨林甫所欲深淺鍛鍊成

獄無能自脫者時人謂之羅鉗吉網

以鐵劫束物曰鉗鉗其廣翻

秋七月壬午冊韋昭訓女為壽王妃八月壬寅冊楊太

真為貴妃

考異曰統紀八月冊女道士楊氏為貴妃本紀甲辰唐歷甲寅今據實錄壬寅贈太真

妃父玄琰等官甲辰甲寅皆在後恐冊妃在贈官前新本紀亦云八月壬寅立太真為貴妃今從之贈其

父玄琰兵部尚書以其叔父玄珪為光祿卿從兄鉞為

殿中少監錡為駙馬都尉

從才用翻下之從同鉞息廉翻錡渠綺翻又魚綺翻又青

奇癸卯冊武惠妃女為太華公主命錡尚之

考異曰實錄舊傳

皆以鉞錡為再從兄國忠為從祖兄然則從祖亦再從也推恩之時何以及鉞錡而不及國忠新傳謂之宗兄

唐歷以銛為玄琰之子借使非子比于國忠必應稍及
親今但謂之從兄舊傳云銛為侍御史今從實錄

貴妃三姊皆賜第京師寵貴赫然楊釗貴妃之從祖兄

也不學無行

釗音昭行
下孟翻

為宗黨所鄙從軍於蜀得新都

尉考滿家貧不能自歸新政富民鮮于仲通常資給之

新都縣漢屬廣漢郡梁置始康郡西魏廢郡隋開皇十
八年改新都曰興樂尋廢縣唐初復置屬蜀郡武德四

年分南部相如二縣置新城縣尋避
隱太子名改曰新政時屬閬中郡

楊玄琰卒於蜀

卒

恤釗往來其家遂與其中女通

中讀
曰仲

鮮于仲通常名向以

字行頗讀書有材智劍南節度使章仇兼瓊引為采訪

支使

考異曰唐歷云為節度巡官按顏真卿所作仲通碑見存云為采訪支使今從之唐采訪節度

等使幕屬有判官有支使有掌書記推官巡官衙推等宋朝始定制書記支使不得並置有出身者為書記無

出身者為支使委以心腹嘗從容謂仲通曰今吾獨為上所厚

苟無內援必為李林甫所危間楊妃新得幸人未敢附

之子能為我至長安與其家相結吾無患矣仲通曰仲

通蜀人未嘗遊上國恐敗公事今為公更求得一人因

言釗本末兼瓊引見釗儀觀豐偉言辭敏給

從于容翻為于偽翻

敗補邁翻觀古玩翻

兼瓊大喜即辟為推官往來浸親密乃使人

獻春綵於京師將別謂曰有少物在郾

少詩洛翻郾縣自漢以來屬蜀

郡九域志郾縣在成都府西四十五里師古曰郾音疲

以具一日之糧子過可取

之釗至郾兼瓊使親信大齎蜀貨精美者遺之

遺于季翻可

直萬緡釗大喜過望晝夜兼行至長安歷抵諸妹以蜀貨

遺之曰此章仇公所贈也時中女新寡釗遂館於其室

中分蜀貨以與之於是諸楊日夜譽兼瓊且言釗善擣

補引之見上

館古玩翻譽音余見賢通翻

得隨供奉官出入禁中

唐制

中書門下省官皆供奉官也外官得隨朝士入見者謂之伏內供奉隨翰林院官班者謂之翰林供奉官官謂

之內供奉又有朝士供奉禁中者

改金吾兵曹參軍 九月癸未以陝

郡太守江淮租庸轉運使韋堅為刑部尚書罷其諸使

以御史中丞楊慎矜代之

陝失冉翻使疏吏翻曰舊食貨志三載以楊釗為

考異

水陸運使誤也今從實錄

堅妻姜氏皎之女林甫之舅子也故林甫

昵之

昵尼質翻

及堅以通漕有寵于上遂有入相之志

相息亮翻

又與李適之善林甫由是惡之

惡烏路翻

故遷以美官實奪

之權也 安祿山欲以邊功市寵數侵掠奚契丹奚契

丹各殺公主以叛

數所角翻下欲數數微同所殺者蓋即靜樂宜芳也

祿山討破

之隴右節度使皇甫惟明與吐蕃戰于石堡城為虜

所敗副將褚誚戰死

敗補邁翻誚直廉翻
曰新傳作諸葛誚今從實錄

考異

冬

十月甲午安祿山奏臣討契丹至北平郡

北平郡平州

夢先

朝名將李靖李勣從臣求食

朝直遙翻將即亮翻下同

遂命立廟又

奏薦奠之日廟梁產芝

通鑑不語怪而書安祿山飛鳥食蝗廟梁產芝之事以著祿山之

之欺罔明
皇之昏蔽

丁酉上幸驪山溫泉

上以戶部郎中王

鉞為戶口色役使敕賜百姓復除

鉞戶公翻使疏吏翻復方目翻

鉞奏

徵其輦運之費廣張錢數又使市本郡輕貨百姓所輸

乃甚於不復除舊制戍邊者免其租庸六歲而更

史工衡翻

時邊將恥敗士卒死者皆不申牒貫籍不除

貫籍本貫之籍也

王鉷志在聚斂

斂力贍翻

以有籍無人者皆為避課按籍戍

邊六歲之外悉徵其租庸有併徵三十年者民無所訴

上在位久用度日侈後宮賞賜無節不欲數于左右藏

取之

唐有左藏右藏藏租浪翻

鉷探知上指歲貢額外錢百億萬貯

於內庫以供宮中宴賜曰此皆不出於租庸調無預經

費

貯丁呂翻調徒吊翻

上以鉷為能富國益厚遇之鉷務為割剝

以求媚中外嗟怨丙子以鉶為御史中丞京畿采訪使

楊釗侍宴禁中專掌摺文簿鈎校精密上賞其彊明

曰好度支郎

唐度支郎掌判天下租賦多少之數物產豐約之宜水陸道塗之利每歲計其所出

而度其所用轉運徵斂送納皆準程而節其遲速凡和糴和市皆量其貴賤均天下之貨以利于人凡金銀寶貨綾羅之屬皆折庸調以造凡天下舟車水陸載運皆具為脚直輕重貴賤平易險溢而為之制凡天下邊軍有支度使以計軍資糧仗之用每歲所費皆申度支會計以長行旨為準度徒洛翻諸楊數徵此

言於上

徵讀曰證

又以屬王鉶鉶因奏充判官

屬之欲翻

十二

月戊戌上還宮

還自溫泉宮還從宣翻又音如字

五載春正月乙丑以隴右節度使皇甫惟明兼河西節

度使李適之性疎率李林甫嘗謂適之曰華山有金礦

華戶化翻西山記曰太華之山削成而四方其高五十仞其廣十里礦古猛翻來之可以富國

主上未之知也它日適之因奏事言之上以問林甫對

曰臣久知之但華山陛下本命王氣所在

帝製華嶽碑曰予小子之

生也歲景戌月仲秋曆少皞之盛德協太華之本命故

常寤寐靈嶽貯靈神文林甫知此旨故以誤適之而陷之王干鑿之非宜故不敢言上以林甫為愛已薄適之

慮事不熟謂曰自今奏事宜先與林甫議之無得輕脫

適之由是束手矣適之既失恩韋堅失權益益相親密林

甫愈惡之

惡鳥路翻

初太子之立非林甫意

事見二百十卷開元二十六年

林甫恐異日為已禍常有動搖東宮之志而堅又太子

之妃兄也皇甫惟明嘗為忠王友

見二百十三卷開元十八年

時破

吐蕃入獻捷見林甫專權意頗不平時因見上乘間微

勸上去林甫

吐從暇入聲因見賢通翻間古覓翻去羌呂翻

林甫知之使楊慎

矜密伺其所為

伺相史翻

會正月望夜太子出遊與堅相見

堅又與惟明會於景龍觀道士之室

景龍觀在長安城中崇仁坊中公高

士廉宅西北左金吾衛神龍元年併為長寧公主宅韋
庶人敗後遂立為觀仍以中宗年號為名觀古玩翻

慎矜發其事以為堅戚里不應與邊將狎暱林甫因奏

堅與惟明結謀欲共立太子堅惟明下獄

將即亮翻暱尼質翻下選

翻嫁林甫使慎矜與御史中丞王鉷京兆府法曹吉溫共

鞠之

考異曰舊林甫傳云林甫潛令慎矜伺堅隙奏上慎矜傳云鉷惟堅慎矜引身中立以候望鉷恨

之林甫亦憾焉二傳自相矛盾今從唐歷

上亦疑堅與惟明有謀而不顯其

罪癸酉下制責堅以干進不已貶縉雲太守

縉雲郡本括州永嘉

郡元年更郡名

考異曰舊紀貶括蒼太守今從實錄及舊傳

惟明以離間君臣

間古煎翻

貶播川太守

播川郡
播州

仍別下制戒百官

以王忠嗣為

河西隴右節度使兼知朔方河東節度事忠嗣始在朔

方河東每互市高估馬價諸胡聞之爭賣馬於唐忠嗣

皆買之由是胡馬少

少詩
治翻

唐兵益壯及徙隴右河西復

請分朔方河東馬九千匹以實之

復扶
又翻

其軍亦壯忠嗣

仗四節控制萬里天下勁兵重鎮皆在掌握與吐蕃戰

於青海積石皆大捷又討吐谷渾於墨離軍虜其全部

而歸

吐從瞰入
聲谷音浴

夏四月癸未立奚酋娑固為昭信王

契丹酋楷洛為恭仁王

酋慈由翻
泌素禾翻

已亥制自今四孟

月皆擇吉日祀天地九宮 韋堅等既貶左相李適之

懼自求散地

散悉但翻

庚寅以適之為太子少保罷政事其

子衛尉少卿雪嘗盛饌名客

雪文申翻饌離
曉翻又離戀翻

客畏李林

甫竟日無一人敢往者 以門下侍郎崇玄館大學士

陳希烈同平章事

後魏置崇玄署掌僧尼道士女冠隋
以崇玄署隸鴻臚唐置諸寺觀監隸

鴻臚每寺觀有監一人貞觀中廢寺觀監上元二年置
赤園監尋廢開元二十五年置崇玄學於玄元皇帝廟

天寶元年兩京置博士助教各一員二載改崇玄學曰
崇玄館博士曰學士助教曰直學士置大學士以宰相

為之領兩京玄
元宮及道院

希烈宋州人以講老莊得進專用神仙

符瑞取媚於上李林甫以希烈為上所愛且柔佞易制

易以
豉翻

故引以為相凡政事一決於林甫希烈但給唯諾

唯于
偽翻

故事宰相午後六刻乃出林甫奏今太平無事已

時即還第軍國機務皆決于私家主書抱成案詣希烈
書名而已 五月壬子朔日有食之 乙亥以劔南節

度使章仇兼瓊為戶部尚書諸楊引之也 秋七月丙

辰敕流貶人多在道逗留自今左降官日馳十驛以上

上時掌翻

是後流貶者多不全矣

楊貴妃方有寵每乘馬

則高力士執轡授鞭織繡之工專供貴妃院者七百人

中外爭獻服器珍玩嶺南經略使張九章廣陵長史王

翼

廣陵郡揚州長知兩翻

以所獻精美九章加三品翼入為戶部

侍郎天下從風而靡民間歌之曰生男勿喜女勿悲君

今看女作門楣

凡人作室自外至者見其門楣宏敞則為壯觀言楊家因生女而宗門崇顯也

或曰門以楣而撐拄言生女能撐拄門戶也

妃欲得生荔支歲命嶺南馳驛

致之

自蘇軾諸人皆云此時荔支自涪州致之非嶺南也

比至長安色味不變

白居易

易曰荔支生巴峽間樹形團團如帷蓋葉如冬青華如橘春榮實如丹夏熟朶如蒲萄核如枇杷殼如紅繒膜如紫綃瓢肉潔白如冰雪漿液甘酸如醴酪大略如彼其實過之若離本枝一日而色變二日而香變四五日外色香味盡去矣至是妃以妬悍不遜上怒命送歸兄銛之第

悍戶罕翻又戶肝翻

是日上不懌比日中猶未食左右動不稱旨

橫被捶撻

比必利翻及也稱尺證翻捶止藥翻橫戶孟翻

高力士欲嘗上意請

悉載院中儲侍送貴妃凡百餘車上自分御膳以賜之

侍直里翻

及夜力士伏奏請迎貴妃歸院遂開禁門而入

唐六

典城門郎掌京城皇城宮殿諸門開闔之節承天門擊曉鼓聽擊鐘後一刻鼓聲絕皇城門開第一擊鼓聲

絕宮城門及左右延明門乾化門開第二鑿鑿鼓聲絕
宮殿門開夜第一鑿鑿鼓聲絕宮殿門閉第二鑿鑿鼓
聲絕宮城門及左右延明門皇城門閉其京城門開閉
與皇城門同刻永天門擊鼓皆聽漏刻契契至乃擊待
漏刻所牌到鼓聲乃絕凡皇城闔門之鑰先酉而出後
戌而入開門之鑰後丑而出夜盡而入京城闔門之鑰
後申而出先子而入開門之鑰後子而出先卯而入若
非其時而有命啓閉則詣閣覆奏奉旨合符而開闔之
殿門及城門若有勅夜開受勅人自是恩遇愈隆後宮
具錄須開之門宣送中書門下

莫得進矣 將作少匠韋蘭兵部員外郎韋芝為其兄

堅訟寃

少詩照翻
為于偽翻

且引太子為言上益怒太子懼表請

與妃離昏乞不以親廢法丙子再貶堅江夏別駕

江夏
郡鄂

州舊志鄂州京師東南二千三百四十六里夏戶惟翻

蘭芝皆貶嶺南然上素知

太子孝謹故譴怒不及李林甫因言堅與李適之等為

朋黨後數日堅長流臨封適之貶宜春太守太常少卿

韋斌貶巴陵太守嗣薛王琬貶夷陵別駕睢陽太守裴

寬貶安陸別駕河南尹李齊物貶竟陵太守

臨封郡本封州廣信

郡元年更郡名宜春郡袁州巴陵郡岳州夷陵郡峽州安陸郡安州竟陵郡本復州沔陽郡元年更郡名舊志

封州至京師水陸四千五百一十里岳州二千二百三十七里峽州一千八百八十八里安州京師東南二千

五十一里復州一千八百里斌音彬瑁胡吠翻

凡堅親黨坐流貶者數十人斌

安石之子瑁業之子堅之甥也瑁母亦令隨瑁之官

章安

石事武后中睿三朝業上之弟也

冬十月戊戌上幸驪山溫泉十一

月乙巳還宮

贊善大夫杜有鄰

唐贊善大夫正五品上掌諷誦規諫太子

女為太子良娣

唐太子內官良娣正三品娣持計翻

良娣之姊為左驍衛

兵曹柳勣妻

驍堅危翻

勣性狂疎好功名喜交結豪俊

好呼到翻

喜許記翻

淄川太守裴敦復薦於北海太守李邕

北海郡邕青州

與之定交勣至京師與著作郎王曾等為友皆當時名

士也勣與妻族不協欲陷之為飛語告有鄰妄稱圖讖

交構東宮指斥乘輿

乘繩證翻

林甫令京兆士曹吉溫與御

史鞠之

士曹司士參軍事掌津梁舟車舍宅工藝

乃勅首謀也溫令勅連引

曾等入臺十二月甲戌有鄰勅及曾等皆杖死積尸大

理

考異曰舊紀唐歷皆作辛未今從實錄實錄云勅與其黨並伏法詔書則曰猶寬極刑俾從杖罪其王

曾等各決重杖一百杜有鄰柳勅念以微親特寬殊死決一頓貶嶺南新興尉吉溫傳則云勅等杖死積尸於

大理寺茲詔雖與杖具實皆死杖下也

妻子流遠方中外震慄嗣號王巨

貶義陽司馬

義陽郡中州舊志申州至京師一千七百九十六里

巨邕之子也

高祖

之子就王鳳凰嫡孫曰嗣就玉邕

別遣監察御史羅希奭往按李邕

監古

衙翻

太子亦出良娣為庶人乙亥鄴郡太守王琚坐贓貶

江華司馬

鄴郡本相州魏郡元年更名江華郡道州

琚性豪侈與李邕皆自

謂耆舊久在外意怏怏李林甫惡其負材使氣故因事

除之

王琚事上於東宮贊決誅太平公主惡鳥路翻

六載春正月辛巳李邕裴敦復皆杖死邕才藝出衆盧

藏用常語之曰君如干將莫邪

語斗倨翻干將莫邪吳王所鑄寶劍

難與

爭鋒然終虞缺折耳

折而設翻

邕不能用林甫又奏分遣御

史即貶所賜皇甫惟明韋堅兄弟等死羅希奭自青州

如嶺南所過殺遷謫者

希奭既殺李邕於青州遂如嶺南也

郡縣惶駭排

馬諫至宜春

御史所過沿路郡縣給驛馬故未至先有排馬牒

李適之憂懼仰

藥自殺至江華王琚仰藥不死間希奭已至即自縊希

奭又過路過安陸欲怖殺裴寬

希奭布翻

寬向希奭叩頭祈

生希奭不宿而過乃得免李適之子雪迎父喪至東京

李林甫令人誣告雪杖死於河南府給事中房琯至與

適之善貶宜春太守琯融之子也

房融見二百七卷武后長安四年

林

甫恨韋堅不已遣使於循河及江淮州縣求堅罪

使疏吏翻

收緊綱典船夫溢於牢獄

十船為一綱以吏為綱典船夫執船及駕船之夫也徵

剝逋負延及鄰伍皆裸露死於公府

裸郎果翻

至林甫薨乃

止 丁亥上享太廟戊子合祭天地於南郊赦天下制

免百姓今載田租又令削絞斬條上慕好生之名故令

應絞斬者皆重杖流嶺南其實有司率杖殺之又令天

下為嫁母服三載

載子亥翻好呼到翻為于偽翻下即為同

上欲廣求天下

之士命通一藝以上皆詣京師李林甫恐草野之士對

策斥言其姦惡建言舉人多卑賤愚瞶

購五怪翻

恐有俚言

汚濁聖聽乃令郡縣長官精加試練灼然超絕者具名

送省委尚書覆試御史中丞監之

監古
銜翻

取名實相副者

間奏既而至者皆試以詩賦論遂無一人及第者林甫

乃上表賀野無遺賢 戊寅以范陽平盧節度使安祿

山兼御史大夫祿山體充肥腹垂過膝嘗自稱腹重三百

斤外若癡直內實狡黠常令其將劉駱谷留京師訶朝

廷指趣動靜皆報之

點下八翻詞翻正
翻有所候伺也

或應有賤表者

駱谷即為代作通之歲獻俘虜雜畜奇禽異獸珍玩之

物畜許
故翻

不絕於路郡縣疲於遞運祿山在上前應對敏

給雜以詆諧上嘗戲指其腹曰此胡腹中何所有其大

乃爾對曰更無餘物止有赤心耳上悅又嘗命見太子

祿山不拜左右趣之拜

趣讀
曰促

祿山拱立曰臣胡人不習

朝儀不知太子者何官

朝直
通翻

上曰此儲君也朕千秋萬

歲後代朕君汝者也祿山曰臣愚聶者惟知有陛下

人不知乃更有儲君不得已然後拜上以為信然益愛

之上嘗宴勤政樓百官列坐樓下獨為祿山於御座東

間設金雞障

障坐障也畫金雞為飾為于偽翻

置榻使坐其前仍命卷

簾以示榮寵

表請曰捲

命楊鈞楊錡貴妃三姊皆與祿山叙

兄弟祿山得出入禁中因請為貴妃兒上與貴妃共坐

祿山先拜貴妃上問何故對曰胡人先母而後父上悅

李林甫以王忠嗣功名日盛恐其入相

相息亮翻

忌之安

祿山潛蓄異志託以禦寇築雄武城

蘄州廣漢川有雄武軍

大貯

兵器

貯丁呂翻

請忠嗣助役因欲留其兵忠嗣先期而往不

見祿山而還數上言祿山必反林甫益惡之

為王忠嗣得罪張本

先悉薦翻數所角翻
上時掌翻惡鳥路翻

夏四月忠嗣固辭兼河東朔方

節度許之 冬十月己酉上幸驪山溫泉

考異曰舊紀唐歷皆作

戊申今從之

改溫泉宮曰華清宮

河西隴右節度使王忠

嗣以部將哥舒翰為大斗軍副使李光弼為河西兵馬

使充赤水軍使

兵馬使節鎮衙前軍職也總兵權任甚重至德以後都知兵馬使率為藩鎮儲

帥將即亮翻
使疏吏翻

翰父祖本突騎施別部酋長

西突厥五弩失畢有哥舒

關侯斤騎奇寄翻酋
慈由翻長知兩翻

光弼契丹王楷洛之子也

開元初李楷洛

封為契丹王

皆以勇略為忠嗣所重忠嗣使翰擊吐蕃有同

列為之副倨慢不為用翰櫓殺之軍中股慄

櫓則爪翻

累功

至隴右節度副使每歲積石軍麥熟吐蕃輒來獲之

獲戶

郭翻

無能禦者邊人謂之吐蕃麥莊翰先伏兵於其側虜

至斷其後夾擊之

斷音短

無一人得返者自是不敢復來

復扶又翻

上欲使王忠嗣攻吐蕃石堡城

石堡城陷見上卷開元二十九年

忠嗣上言石堡險固吐蕃舉國守之今頓兵其下非殺

數萬人不能克臣恐所得不如所亡不如且厲兵秣馬

俟其有釁然後取之上意不快將軍董延光自請將兵

取石堡城

請將即亮翻

上命忠嗣分兵助之忠嗣不得已奉

詔而不盡副延光所欲延光怨之李光弼言於忠嗣曰

大夫以愛士卒之故不欲成延光之功

唐中世以前率呼將帥為大夫

白居易詩所謂武官稱大夫是也

雖迫於制書實奪其謀也何以知之

今以數萬衆授之而不立重賞士卒安肯為之盡力乎

為于偽翻

然此天子意也彼無功必歸罪於大夫大夫軍府

充牣何愛數萬段帛不以杜其讒口乎忠嗣曰今以數萬之衆爭一城得之未足以制敵不得亦無害於國故

將軍歸宿衛其次不過黔中上佐

黔中一道皆溪峒蠻徭雜居貶謫而不過

嶺者處之上佐長史司馬也黔音琴

忠嗣豈以數萬人之命易一官乎李

將軍子誠愛我矣然吾志決矣子勿復言光弼曰鄉者

恐為大夫之累

復狀又翻累力瑞翻

故不敢不言今大夫能行古

人之事非光弼所及也遂趨出延光過期不克言忠嗣

沮撓軍計

沮在呂翻撓女教翻

上怒李林甫因使濟陽別駕魏林

告忠嗣嘗自言我幼養宮中與忠王相愛狎

武德四年分東平之

盧縣置濟州隋之濟北郡也天寶元年改曰濟陽郡忠嗣年九歲父海賓戰死于渭源長城堡帝養忠嗣宮中太子時為忠王與之遊處魏林先為朔州刺史忠嗣節度河東朔州具巡屬也故使林譖之以示言有所自來

濟子禮翻

欲擁兵以尊奉太子敕徵忠嗣入朝

朝直遙翻

委三司

鞠之上聞哥舒翰名召見華清宮

見賢遍翻

與語悅之十一

月辛卯以翰判西平太守充隴右節度使以朔方節度使安思順判武威郡事充河西節度使

西平郡鄯州武威郡涼州

戶部侍郎兼御史中丞楊慎矜為上所厚李林甫浸忌

之慎矜與王鉷父晉中表兄弟也少與鉷狎

少詩照翻

鉷之

入臺頗因慎矜推引及鉞遷中丞慎矜與語猶名之鉞自

恃與林甫善意稍不平慎矜奪鉞職田

俱為中丞因併鉞職田奪而有

之鉞母本賤慎矜嘗以語人

語牛倨翻

鉞深銜之慎矜猶以

故意待之嘗與之私語識書

識楚譌翻

慎矜與術士史敬忠

善敬忠言天下將亂勸慎矜於臨汝山中買莊為避亂

之所

臨汝郡本伊州襄城郡貞觀八年更伊州曰汝州天寶元年更郡名為臨汝郡

會慎矜父

墓田中草木皆流血慎矜惡之

惡鳥路翻

以問敬忠敬忠請

禳之

禳如羊翻

設道場於後園慎矜退朝輒裸貫桎梏坐其

中朝直遙翻旬日血止慎矜德之慎矜有侍婢明珠色

美敬忠屢目之慎矜即以遺敬忠車載過貴妃姊柳氏

樓下姊邀敬忠上樓求車中美人敬忠不敢拒明日姊

入宮以明珠自隨上見而異之問所從來明珠具以實

對上以慎矜與術士為妖法惡之含怒未發楊釗以告

鉗鉗心喜因侮慢慎矜慎矜怒林甫知鉗與慎矜有隙

密誘使圖之遺于季翻上時掌翻惡烏路翻誘音酉

草未流血慎矜大懼問術者史敬思敬思曰穰之可以

之唐歷云敬思本胡人出家還俗涉獵書傳陰陽玄象
慎矜與之善每言天下將亂居於臨汝山中亦勸慎矜
於臨汝買得山莊良田數十頃嘗於慎矜第夜坐談宴
怒婢春草將杖殺之敬思曰七郎何須虛殺却十頭壯
牛慎矜曰何謂也敬思曰賣却買牛每年耕田十頃慎
矜雅厚敬思曰任公收取明日至市賣與太真柳氏姊
得錢百二十千文買牛以歸柳氏數將春草來往宮中
玄宗見其狀貌壯大應對分明數目之謂柳曰幾錢買
得此婢以實對遂留之玄宗曾書寢問春草曰汝本何
人何以得至柳家春草曰本楊慎矜婢賣與柳家玄宗
曰慎矜豈少錢而賣你春草曰不是要錢本將殺某敬
思救得不殺所以賣之玄宗素聞敬思名因詰問春草
以實對曰每夜坐中庭或說天文遙指宿曜某亦盡知
其言玄宗怒變色良久後王鉞因奏事言引慎矜玄宗
勃然曰慎矜與卿有親更不須相往來鉞初內怨慎矜
凌已常隱忍不泄至是覺上意異楊釗先知之以告鉞

銑心喜數悖慢似侵之慎矜尤怒明皇雜錄又曰慎矜之婢有美者字明珠敬思數目之慎矜即以遺之燕以囊橐甚厚以車送之敬思乘馬隨之路經貴妃妹八姨樓下方登樓張樂姨素與敬思相識固邀敬思登樓乃曰車中美人請以見通敬思不敢拒姨明日入宮婢從上見而異之問所從來明珠曰本楊慎矜家人也近贈史敬思上曰敬思何人而慎矜輒贈以婢明珠乃具言厭勝之事上大怒曰彼為妖乎遂告林甫林甫素忌慎矜才恐其作相以告中丞吉溫溫險害亦有憾于慎矜因構成其事今參取書之

銑乃遣人以

飛語告慎矜

隋煬帝孫慎矜

與凶人往來家有識

書謀復祖業上大怒收慎矜繫獄命刑部大理與侍御

史楊釗殿中侍御史盧鉉同鞠之太府少卿張瑄慎矜

所薦也盧鉉誣瑄嘗與慎矜論讖栲掠百端瑄不肯荅

辯

瑄音宣掠音亮辯者鞠問之辭今人謂之問頭

乃以木綴其足使人引其枷

柄向前挽之身加長數尺腰細欲絕眼鼻出血瑄竟不

荅又使吉溫捕史敬忠於汝州敬忠與溫父素善溫之

幼也敬忠常抱撫之及捕獲溫不與交言鎖其頸以布

蒙首驅之馬前至戲水

戲水在新豐東戲許宜翻

溫使吏誘之曰楊

慎矜已歟服惟須子一辯若解人意則生

解戶買翻

不然必

死前至溫湯則求首不獲矣

溫湯即謂會昌時置會昌縣於溫泉宮下首式又翻

謂自首其事敬忠顧謂溫曰七郎求一紙溫陽不應去

溫湯十餘里敬忠祈請哀切乃于桑下令荅三紙辯皆

如溫意溫徐謂曰丈人且勿恠因起拜之至會昌天寶元年

改驪山曰會昌山三載以新豐縣去華清宮遠分新豐萬年置會昌縣是年改溫泉曰華清宮治湯井為池環

山列宮室又築羅城置百司及十宅始鞠慎矜以敬忠為證慎矜皆引服

惟搜讖書不獲林甫危之使盧鉉入長安搜慎矜家鉉

袖讖書入闇中詬而出曰詬古快翻逆賊深藏秘記至會昌

以示慎矜慎矜歎曰吾不蓄讖書此何從在吾家哉吾

應死而已丁酉賜慎矜及兄少府少監慎餘洛陽令慎

名自盡敬忠杖百妻子皆流嶺南瑄杖六十流臨封死

於會昌嗣號王巨雖不預謀坐與敬忠相識解官南賓

安置

南賓郡忠州本巴郡之臨江縣隋義寧二年置臨州貞觀八年改忠州天寶元年改為郡舊志忠州

京師南二十里

自餘連坐者數十人慎名聞敕神色不

變為書別姊慎餘合掌指天而縊 三司按王忠嗣上

曰吾兒居深宮安得與外人通謀此必妄也

考異曰新傳李林

甫屢白太子宜有謀上云云按林甫雖志欲害太子亦未肯自言之今不取

但効忠嗣沮撓

軍功

勅戶繁翻又戶得翻沮在呂翻撓奴巧翻又奴教翻

哥舒翰之入朝也或勸

多齎金帛以救忠嗣翰曰若直道尚存王公必不寃死

如其將喪

喪息浪翻

多賂何為遂單囊而行三司奏忠嗣罪

當死翰始遇知於上力陳忠嗣之寃且請以已官爵贖

忠嗣罪上起入禁中翰叩頭隨之言與淚俱上感寤已

亥貶忠嗣漢陽太守

漢陽郡沔川

李林甫屢起大獄別置

推事院於長安以楊釗有掖庭之親

掖音亦

出入禁闥所

言多聽乃引以為援擢為御史事有微涉東宮者皆指

擯使之奏劾付羅希與吉溫鞠之釗因得逞其私志所

擠陷誅夷者數百家皆釗發之

擯他歷翻擠子西翻又子細翻

幸太子

仁孝謹靜張垧高力士常保護於上前故林甫終不能

間也

閒古覓翻立太子意屬忠王林甫從容言于上曰古者建立

考異曰明皇雜錄云上與李林甫議

儲君必推賢德苟非有大勲於社稷則惟元子上默然曰朕長子琮往年因獵苑中所傷面目尤甚林甫曰破面不猶愈於破國乎陛下具圖之上微感其言徐思之林甫亦素知其有疾意欲動搖肅宗而託附武惠妃因以壽王瑁為請竟以肅宗孝友聰明中外所屬故姦邪之計莫得行焉按是時忠王若未為太子上用林甫之言則琮為太子矣安能及瑁新書林甫傳云林甫數危太子未得志一日從容曰古者立儲君非有大勲于社

役則莫若元子帝久之曰慶王獵為狗傷面甚答曰破而不愈於破國乎帝頗惑曰朕徐思之此則情理似近然新書此事必出于雜錄若太子已立則不當云止與林甫議立太子意屬忠王也今雜錄本於所傷字上脫為狗兩字別本必有之按說文狗獸名無前足此非常有之物或者豹字誤為狗字耳事既可疑今不取

十二月壬戌發馮翊華陰民夫築會昌城置百司

華陰郡華

州馮翊郡同
州華戶化翻

王公各置第舍土畝直千金癸亥上還宮

丙寅命百官閱天下歲貢物於尚書省既而悉以車

載賜李林甫家上或時不視朝

朝直
遙翻

百司悉集林甫第

門臺省為空陳希烈雖坐府無一人入謁者林甫子岫

為將作監

唐初曰將作人匠龍朔改曰繕工監光宅改曰營繕監神龍復曰將作監

頗以滿

盈為懼嘗從林甫遊後園指役夫言於林甫曰大人久

處鈞軸怨仇滿天下一朝禍至欲為此得乎林甫不樂

曰勢已如此將若之何先是宰相皆以德度自處不事

威勢驕從不過數人士民或不之避林甫自以多結怨

常虞刺客出則步騎百餘人為左右翼金吾靜街前驅

在數百步外公卿走避居則重關複壁

處呂呂制樂音洛先悉薦翻騎

則尤翻從才用翻騎奇寄翻下同重直龍翻

以石甃地

甃則又翻

牆中置板如防

大敵一夕屢徙牀雖家人莫知其處宰相騶從之盛自

林甫始初將軍高仙芝本高麗人

麗力知翻

從軍安西仙

芝驍勇善騎射

驍堅亮翻

節度使夫蒙靈訢屢薦至安西副

都護都知兵馬使充四鎮節度副使吐蕃以女妻小勃

律王

小勃律去長安九千里而羸距吐蕃贊普牙三千里妻七細翻

及其旁二十餘國

皆附吐蕃貢獻不入前後節度使討之皆不能克制以

仙芝為行營節度使將萬騎討之

將即亮翻

自安西行百餘

日乃至特勒滿川分軍為三道

特勒滿川即五藏國所居三道一由北谷道

一由赤佛道仙芝自由護密道自護期以七月十三日

會吐蕃連雲堡下

連雲堡南依山北據婆勒川以為固

有兵近萬人

近其新翻

不意唐兵倅至大驚依山拒戰礮礮如雨仙芝以郎將

高陵李嗣業為陌刀將

礮匹貌翻礮虛對翻礮即砲石杜佑曰礮木長五尺徑一尺小

至六七寸唐六典武庫分掌兵器辨其名數以備國用

刀之制有四曰儀刀曰障刀曰橫刀曰陌刀儀刀蓋古

班劍之類宋晉以來謂之御刀後魏曰長刀皆施龍鳳

障身以禦敵橫刀佩刀也兵士所佩名亦起於隋陌刀長刀也步兵所持蓋古之斬馬劍令之曰不

及日中決須破虜嗣業執一旗引陌刀緣險先登力戰

自辰至巳大破之

考異曰舊嗣業傳云天寶七載今從實錄及封常清傳

斬首五

千級捕虜千餘人餘皆逃潰中使邊令誠以入虜境已

深懼不敢進

邊令誠時為監軍使疏吏翻

仙芝乃使令誠以羸弱三

千守其城

羸倫為翻

復進三日至坦駒嶺下峻阪四十餘里

復扶又翻

前有阿弩越城仙芝恐士卒憚險不肯下先令人

胡服詐為阿弩越城守者迎降

降戶江翻

云阿弩越赤心歸

唐娑夷水籐橋已斫斷矣娑夷水即弱水也

小勃律王居孽多城

臨娑夷水安素禾翻

其水不能勝草芥

勝音升

籐橋者通吐蕃之路

也仙芝陽喜士卒乃下又三日阿弩越城迎者果至明日仙芝入阿弩越城遣將軍席元慶將千騎前行謂曰小勃律聞大軍至其君臣百姓必走山谷

走音秦

第呼出

取繒帛稱敕賜之

繒慈陵翻

大臣至盡縛之以待我元慶如

其言悉縛諸大臣王及吐蕃公主逃入石窟取不可得仙芝至斬其附吐蕃者大臣數人藤橋去城猶六十里仙芝急遣元慶往斫之甫畢吐蕃兵大至已無及矣藤橋間盡一矢力修之昇年乃成八月仙芝虜小勃律王

及吐蕃公主而還九月至連雲堡與邊令誠俱月末至

播密川遣使奏狀

奏捷狀於京師使疏吏翻

至河西

此河西白馬河西也自安西西

出柘厥關度白馬河

夫蒙靈咎怒仙芝不先言已而遽發奏一不

迎勞

一猶言一切也勞力到翻

罵仙芝曰噉狗糞高麗奴

噉徒濫翻又徒覽翻

汝官皆因誰得而不待我處分

處昌呂翻分扶問翻

擅奏捷書高

麗奴汝罪當斬但以汝新有功不忍耳仙芝但謝罪邊令誠奏仙芝深入萬里立奇功今旦夕憂死

資治通鑑卷二百十五

欽定四庫全書

資治通鑑卷二百十六

宋 司馬光 撰

胡三省 音註

唐紀三十二

起疆圉大淵獻十二月盡昭陽大荒落凡六年有奇始丁亥十二月終癸巳凡

六年零一月

玄宗至道大聖大明孝皇帝下之上

天寶六載

載子亥翻

十二月己巳上以仙芝為安西四鎮節

度使徵霸駭入朝

使疏吏翻朝直遥翻

霸駭大恩仙芝見霸駭趨

走如故霸營益恩副都護京兆程千里押牙畢思琛及

行官王滔等

押牙者盡管節度使牙內之事行官主將命往來京師及鄰道及巡內郡縣琛丑林

翻

皆平日搆仙芝於霸營者也仙芝面責千里思琛曰

公面如男子心如婦人何也又捽滔等欲笞之

捽才沒翻笞丑

之翻

既而皆釋之謂曰吾素所恨於汝者欲不言恐汝懷

憂今既言之則無事矣軍中乃安初仙芝為都知兵馬

使猗氏人封常清少孤貧細瘦穎目

少詩照翻穎盧對翻

一足偏

短求為仙芝嫌不納常清日候仙芝出入不離其門凡

數十日

儻苦念翻離力
智翻下離席同

仙芝不得已留之會達異部叛

夫蒙靈磬使仙芝追之斬獲略盡常清私作捷書以示

仙芝皆仙芝心所欲言者由是一府奇之仙芝為節度

使即署常清判官仙芝出征常為留後

唐諸使之屬判
官位次副使盡

總府事又節度使或出征或入朝或死而未有代皆有
知留後事其後遂以節度留後為稱至我朝遂以留後
為承宣使資序未
應建節者為之仙芝乳母子鄭德詮為郎將將即
亮翻仙

芝遇之如兄弟使典家事威行軍中常清嘗出德詮自

後走馬突之而過常清至使院

使院留後治事之所節
度使便坐治事亦或就

使院使疏吏翻

使召德詮每過一門輒闔之既至常清離席謂

曰常清本出寒微郎將所知今日中丞命為留後

離力智翻

中丞謂高仙芝唐邊鎮諸帥或帶御史中丞大夫時隨其所帶官稱之

郎將何得於衆中

相陵突因叱之曰郎將須斃死以肅軍政

斃與暫同

遂杖之

六十面仆地曳出仙芝妻及乳母於門外號哭救之不

及因以狀白仙芝仙芝覽之驚曰已死邪及見常清遂

不復言

號戶高翻復扶又翻

常清亦不之謝軍中畏之惕息

史言封常

清能治軍政亦緣高仙芝不以私親撓法惕他歷翻

自唐興以來邊帥皆用忠厚

名臣不久任不遥領不兼統功名著者往往入為宰相

如李靖李勣劉仁軌婁師德之類是也開元以來薛訥郭元振張嘉貞王峻張說杜濯蕭嵩李適之等亦皆自

邊帥入相帥所類翻其四夷之將雖才略如阿史那社爾契苾何

力猶不專大將之任皆以大臣為使以制之

社爾討高昌侯君集

為元帥何力討高麗李勣為元帥將即亮翻契苾訥翻苾叱必翻使疏吏翻

及開元中天子

有吞四夷之志為邊將者十餘年不易始久任矣

王峻郭知

運張守珪之類是也

皇子則慶忠諸王宰相則蕭嵩牛仙客始遥

領矣

諸王事見二百十三卷開元十五年蕭嵩事見十七年牛仙客事見二百十四卷二十四年

蓋

嘉運王忠嗣專制數道始兼統矣

蓋嘉運事見二百十四卷開元二十八年

王忠嗣事見上卷五載蓋古合翻

李林甫欲杜邊帥入相之路以胡人

不知書乃奏言文臣為將怯當矢石不若用寒峻胡人

寒謂卑賤峻音有事農耕者也峻音俊

胡人則勇決習戰寒族則孤立無

黨陛下誠以恩洽其心彼必能為朝廷盡死

為于偽翻

上悅

其言始用安祿山至是諸道節度盡用胡人

安祿山安思順哥舒

翰高仙芝皆胡人也

精兵咸戍北邊天下之執偏重卒使祿山傾

覆天下皆出於林甫專寵固位之謀也

辛子恤翻

七載夏四月辛丑左監門大將軍知內侍省事高力士

加驃騎大將軍

知內侍省事自此始唐制勳階二十九驃騎大將軍為之首從一品監古街翻

驃匹妙翻
騎奇寄翻

力士承恩歲久中外畏之太子亦呼之為兄

諸王公呼之為翁駙馬輩直謂之爺

爺以遞翻俗呼父為爺

自李

林甫安祿山輩皆因之以取將相其家富厚不貲

將即亮翻

相悉亮翻貲即移翻
不貲言不可算計也

於西京作寶壽寺寺鐘成力士作

齋以慶之舉朝畢集

宋璟若在必不預
斯集矣朝直遙翻

擊鐘一杵施錢

百緡

施式
豉翻

有求媚者至二十杵少者不減十杵然性和

謹少過善觀時俯仰不敢驕橫故天子終親任之士大

夫亦不疾惡也

少詩照翻橫戶孟翻惡鳥路翻

五月壬午羣臣上尊

號曰開元天寶聖文神武應道皇帝

上時掌翻

赦天下免百

姓來載祖庸擇後魏子孫一人為三恪

三恪二王後注已見前杜佑曰

周得天下封夏殷二王後又封舜後謂之恪恪敬也義取王之所敬故曰三恪天寶十三載公卿議曰三恪二王之議有三說焉一曰二王之前更立三代之後為三恪此據樂記武王克商未及下車封黃帝堯舜之後下車封夏殷之後而言一曰二王之前但在一代通二王為三恪此據左傳但封胡公以備三恪明王昔所敬先王有二更封一代以備三恪三云二王之後為一恪妻之父母為二恪夷狄之君為三恪此據王有不臣者三

而言之梁崔憲恩云三說以初為長按二王三恪經無
正文憲恩據禮記遂以為通存五代竊恐未安記云尊
賢不過二代第三代者雖遠難師法豈得不錄其後故
亦存之示敬其道而已因謂之三恪故左傳云封胡公
以備三恪足知其無五代也況歷代至今皆以三代為
三恪焉以此攷之蓋以後魏子孫與周隋子孫為三恪
也明年尋罷魏
後注又見後

六月庚子賜安祿山鐵券度支郎

中兼侍御史楊釗善窺上意所愛惡而迎之以眾斂驟

遷歲中領十五餘使

釗音昭斂力贍翻惡烏路翻使疏
吏翻洪邁隨筆曰楊國忠為度支

郎領十五餘使至宰相凡領四十餘使新舊唐史皆不
詳載其職案其拜相制前銜云御史大夫判度支權知
太府卿事兼蜀郡長使劍南節度支度營田等副大使
本道兼山南西道來訪處置使兩京太府出納監倉祠

祭木炭宮市長春九成宮等使闕內道及京畿來訪處
置使拜右相兼吏部尚書集賢殿崇玄館學士修國史
太清紫微宮使自餘所領又有管當
租庸錢等使以是觀之概可見矣

甲辰遷給事中兼

御史中丞專判度支事

度徒洛翻

恩幸日隆

蘇冕論曰設官分職各有司存政有恒而易守

恒戶登翻

易以鼓翻

事歸本而難失經遠之理捨此奚據洎奸臣廣

言利以邀恩多立使以示寵

洎其冀翻使疏吏翻

刻下民以厚

歛張虛數以獻狀上心蕩而益奢人望然而成禍使
天子有司守其位而無其事受厚祿而虛其用宇文

融首唱其端楊慎矜王鉞繼遵其軌

公鉞戶部

楊國忠終

成其亂仲尼云寧有盜臣而無聚斂之臣

記大學百乘之家不

畜聚斂之臣與其有聚斂之臣寧有盜臣

誠哉是言前車既覆後轍未改

求達化本不亦難乎

冬十月庚戌上幸華清宮

十一月癸未以貴妃姊適

崔氏者為韓國夫人適裴氏者為虢國夫人適柳氏者

為秦國夫人三人皆有才色上呼之為姨出入宮掖並

承恩澤執傾天下每命婦入見

姊蔣咒翻掖音亦命婦外命婦也見賢遍翻

玉真公主等皆讓不敢就位

玉真公主
唐宗之女

三姊與銛銛五

家凡有請託府縣承迎峻於制敕四方賂遺

銛五廉翻
銛魚倚翻

遺于李翻
下獻遺同

輻湊其門惟恐居後朝夕如市十宅諸王及

百孫院昏嫁

十王宅百孫院見二百
十三卷開元十五年

皆以錢千緡賂韓

執使請無不如志上所賜與及四方獻遺五家如一競

開第舍極其壯麗一堂之費動踰千萬既成見它人有

勝已者輒毀而改為號國尤為豪蕩一旦帥工徒突入

韋嗣立宅即撤去舊屋

緡彌實翻帥讀
曰率去羌呂翻

自為新第但授

韋氏以隙地十畝而已中堂既成召工巧墁

巧音烏墁謨官翻

約錢二百萬復求賞技

復扶又翻技巨綺翻

號國以絳羅五百段

賞之嗤而不顧曰請取螻蛄蜥蜥

嗤丑之翻蜥蜥先擊翻蜥羊益翻師古曰爾

雅云螻蛄蜥蜥守宮是則一類耳揚雄方言云在澤中者謂之蜥蜴

記其數置堂中苟

失一物不敢受直十二月戊戌或言玄元皇帝降于

朝元閣

上於華清宮中起老君殿殿之北為朝元閣以或言老君降于此改曰降聖閣

制改會

昌縣曰昭應廢新豐入昭應辛酉上還宮

自溫泉宮還從宣翻又音

如哥舒翰築神威軍於青海上吐蕃至翰擊破之又築

城於青海中龍駒島

吐從獸入聲青海周八九百里中有山須臾合遊北焉其上明年生

駒號龍種故謂之龍駒島

謂之應龍城吐蕃屏迹不敢近青海

屏必鄂翻

近其斯翻

是歲雲南王歸義卒子閣羅鳳嗣以其子鳳迦

異為揚瓜州刺史

卒子恤翻嗣祥吏翻南詔王父子相繼其子必以父號下一字冠於已所

號之上歸義本號皮邏閣帝賜名歸義其子號閣羅鳳是以閣字冠其號之上也閣羅鳳之子號鳳迦異是以

鳳字冠其號之上也其後至豐祐乃革其舊開元二十六年考異不取此說然二百四十三卷穆宗之長慶四

年則又書豐祐不與父連名事

八載春二月戊申引百官觀左藏

唐六典曰周禮有外府中土主泉藏之在

外者掌邦布之入出以供百物而待邦用者也又有職幣上士中士主貨幣之入者也並今左藏之職至秦漢則分在司農少府後漢少府屬官有中藏府令丞掌中藏幣帛金銀貨物魏氏因之晉少府屬官有左右藏令東晉御史九人各掌一曹有庫曹御史後復分庫曹置外左庫內左庫宋文帝省外左庫而內左庫直曰左庫齊梁陳有右藏庫而無左藏北齊太府寺統左右藏令丞後周有外府上士中士隋有左右藏署令丞唐左藏有東庫西庫朝堂庫又有東都庫余按雍錄太極宮中東左藏庫西左藏庫東庫在恭禮門之東西庫在安仁門之西大明宮中有左藏庫在麟德殿之左又有右藏署令掌邦國寶貨雜物而天下賦調之正數錢物則皆歸左藏也藏徂浪翻下帑藏同

賜帛有差是時州縣殷富倉庫積粟帛

動以萬計楊釗奏請所在糶變為輕貨及徵丁租地稅

皆變布帛輸京師屢奏帑藏充牣古今罕儔故上帥羣

臣觀之

劉音昭帥
讀曰率

賜釧紫衣金魚以賞之上以國用豐

衍故視金帛如糞壤賞賜貴寵之家無有限極 三月

朔方節度等使張齊丘於中受降城西北五百餘里木

剌山築橫塞軍以振遠軍使鄭人郭子儀為橫塞軍使

橫塞軍本名可敦城按宋白續通典橫塞軍初置在飛
狐後移蔚州開元六年張嘉貞移於古代郡大安城南
以為九姓之援天寶十二年改為天德軍參考諸書橫
塞軍即橫野軍天寶元年書河東節度統橫野軍開元
六年所移者也此築橫塞軍在可敦城者也振遠軍在
單于府界鄭縣漢屬京兆後魏置東雍州并華山縣西

魏改華州隋開皇初廢郡大業初廢州復置鄭縣屬京兆唐屬華州使疏吏翻降戶江翻判廬達翻

夏

四月咸寧太守趙奉璋

咸寧郡本丹州丹陽郡元年更郡名守式又翻

告李林

甫罪二十餘條狀未達林甫知之諷御史逮捕以為妖

言杖殺之

妖於
喬翻

先是折衝府皆有木契銅魚朝廷徵

發下敕書契魚

唐制銅魚符所以起軍旅王畿之內左
三右一王畿之外左五右一左者在外

行用之日從第一為首後事須用依次發之周而復始木契之制若太子監國則王畿之內左右各三王畿之外左右各五庶官鎮守則左右各十唐六典符寶郎掌符節曰木契者所以重鎮守慎出納車駕巡幸皇太子監國有兵馬受處分者為木契并行軍所及領軍五百人馬五百匹以上征討皆給木契三公以下兩京留守

及諸州有兵馬受處分亦給木契曰銅魚符者所以起
軍旅易守長兩京留守若諸州諸軍折衝府諸處捉兵
鎮守之所及宮掖監皆給魚符程大昌演繁露曰唐世
左魚之外又有敕牒將之故兼名魚書先悉薦翻下選
嫁翻都督郡府參驗皆合然後遣之自募置驍騎驍騎見二百一

十二卷開元十三
年續音郭又音霍

府兵日益墮壞

墮讀曰陳

死及逃亡者有

司不復點補

復扶又翻

其六駄馬牛器械糗糧耗散略盡

駄徒

何翻糗去九翻

府兵入宿衛者謂之侍官言其為天子侍衛也

其後本衛多以假人役使如奴隸長安人羞之至以相

詬病

記儒行曰今衆人以儒相詬病注以儒相靳故相戲詬病猶恥辱也杜預云戲而相愧為靳詬音遺

又呼
候翻

其戍邊者又多為邊將苦使利其死而沒其財

將即

亮翻

由是應為府兵者皆逃匿至是無兵可交五月癸酉

李林甫奏停折衝府上下魚書是後府兵徒有官吏而

已

唐府兵之制十人為火火有長火備六駭馬凡火具
烏布幕鐵馬孟布槽鉦鑼鑿碓篋斧鉗鋸皆一甲狀

二鎌二十五人為隊隊具火鑽一胸馬繩一苜羈足絆
皆三人具弓一矢三十胡祿橫刀礪石大鵬氈帽氈裝
行膝皆一麥飯九斗米二升皆自備其介冑戎具藏于
庫有所征行則視其入而出給之其番上宿衛者惟給
弓矢橫刀而已今其折衝果毅又歷年不遷士大夫亦
皆耗廢非其舊矣

恥為之其曠騎之法天寶已後稍亦變廢應募者皆市

井負販無賴子弟

孔穎達曰白虎通云因井為市故曰市井應劭通俗文云市特也養瞻老

小特以不遁也俗說市井謂至市者於井上洗濯其物香潔及自嚴飾乃到市也謹按古者二十畝為一井因為市交易故稱市井然則本由井田之中交易為市故國都之市亦因曰市井案禮制九夫為市應劭二十畝為井者劭依漢書食貨志一井八家家有私田百畝公田十畝餘二十畝以為井竈廬舍故言二十畝耳因井為市或如劭言未嘗習兵時承平日久議者多謂中國兵可銷

于是民間挾兵器者有禁子弟為武官父兄擯不齒猛將精兵皆聚於西北中國無武備矣 太白山人李渾

等上言

水經注曰武功縣有太一山古文以為終南亦曰中南亦曰太白山在武功縣南去長安二百

里不知其高幾何俗云武功太白去天三百杜彥遠曰
太白山南連武功山於諸山最為秀傑冬夏積雪望之
皓然隋志曰太一山在藍屋
縣界新志曰太白山在郿縣見神人言金星洞有玉板

石記聖主福壽之符命御史中丞王鉉入仙遊谷求而

獲之上以符瑞相繼皆祖宗休烈六月戊申上聖祖號

曰大道玄元皇帝上高祖謚曰神堯大聖皇帝太宗謚

曰文武大聖皇帝高宗謚曰天皇大聖皇帝中宗謚曰

孝和大聖皇帝睿宗謚曰玄真大聖皇帝竇太后以下

皆加謚曰順聖皇后 辛亥刑部尚書京兆尹蕭炅坐

賊左遷汝陰太守

汝陰郡
潁州

上命隴右節度使哥舒翰

帥隴右河西及突厥阿布思兵益以朔方河東兵凡六

萬三千攻吐蕃石堡城

厥九勿翻吐
從喉入聲

其城三面險絕惟

一徑可上

上時
掌翻

吐蕃但以數百人守之多貯糧食積

木及石

貯丁呂翻
揣盧對翻

唐兵前後屢攻之不能克翰進攻數

日不拔召裨將高秀巖張守瑜欲斬之

高秀巖後為安
祿山守大同益

二人朔方
河東將也

二人請三日期可克如期拔之獲吐蕃鐵

悉諾羅等四百人唐士卒死者數萬果如王忠嗣之言

王忠嗣言見上卷六載

頃之翰又遣兵於赤嶺西開屯田以謫卒

二千戍龍駒島冬冰合吐蕃大集成者盡沒

深入虜境聲援不接

兵法曰遺人獲也

閏月乙丑以石堡城為神武軍又于劍南

西山索磨川置保寧都護府

置保寧都護府以領牂柯吐蕃

丙寅上

謁太清宮

天寶元年正月得靈符起玄元皇帝廟於西京大寧坊東京置於東宮積善坊臨淄舊邸

天下諸郡各置玄元像於開元觀至二年三月十二日改在京玄元宮為太清宮東京為太極宮天下諸郡為

紫極宮

丁卯群臣上尊號曰開元天地大寶聖文神武應

道皇帝赦天下褫袷自今於太清宮聖祖前設位序正

秋七月冊突騎施移撥為十姓河汗

騎奇寄翻可從刊入聲汗音寒

八月乙亥護密王羅真檀入朝

朝直遙翻

請留宿衛許之

拜左武衛將軍

冬十月乙丑上幸華清宮

十一月乙

未吐火羅葉護失里怛伽羅遣使表稱竭師王親附吐

蕃

怛當割翻伽求加翻使疏吏翻竭丘竭翻又去竭翻

困苦小勃律鎮軍阻其糧

道臣思破凶徒望發安西兵以來歲正月至小勃律六

月至大勃律

竭師亦曰竭師胡種也與吐火羅鄰接大勃律或曰布露直吐蕃西其北即小勃律

也

上許之

九載春正月己亥上還宮 群臣屢表請封西嶽許之

二月楊貴妃復忤旨送歸私第

楊妃初忤旨見上卷五載復扶又翻忤五

故翻

戶部郎中吉溫因宦官言於上曰婦人識慮不遠違

忤聖心陛下何愛宮中一席之地不使之就死豈忍辱

之於外舍邪

吉溫此言欲以自結于楊妃耳邪音耶

上亦悔之遣中使賜

以御膳妃對使者涕泣曰妾罪當死陛下幸不殺而歸

之今當永離掖庭

使疏吏翻下同離力智翻掖音亦

金玉珍玩皆陛下

所賜不足為獻惟髮者父母所與敢以薦誠乃翦髮一

繚而獻之

繚力照翻

上遽使高力士召還寵待益深

還從宣翻又如

字婦人女子最為難養以忤旨而出之若棄咳唾可也既出而復召還則彼之怙寵悍悖將無所不至明皇其可再乎古之所謂英主如漢武之于鈞弋庶乎時諸貴戚競以進食相尚上命

宦官姚思藝為檢校進食使水陸珍羞數千盤一盤費

中人十家之產中書舍人竇華嘗退朝

使疏吏翻朝直還朝

值公

主進食列于中衢傳呼按轡出具間宮苑小兒數百奮

挺於前

宮苑小兒宮苑使領之挺待鼎翻

華僅以身免

安西節度使

高仙芝破羯師虜其王勃特沒

羯丘竭翻錄去載十一月吐火羅

考異曰寶

葉護請使安西兵討羯師上許之不見出師今載三月
庚子冊羯師國王勃特沒兄素迦為王冊曰頃勃特沒
於卿不孝于國不忠不言羯師為誰所破按十載正
月高仙芝擒羯師王來獻然則羯師為仙芝所破也三

月庚子立勃特沒之兄素迦為羯師王

迦音加

上命御

史大夫王鉷鑿華山路設壇場于其上

鉷戶公翻華戶化翻

是春

關中旱辛亥獄祠災制罷封西嶽

夏四月己巳御史

大夫宋渾坐賊巨萬流潮陽

潮陽郡本潮州義安郡元年更郡名

初吉溫

因李林甫得進

天寶四載吉溫鞠兵部之獄自是得進

及兵部侍郎兼御

史中丞楊釗恩遇浸深溫遂去林甫而附之為釗畫代

林甫執政之策

劉音昭為
于偽翻

蕭炅及渾皆林甫所厚也

吳火

迴翻求得其罪使釗奏而逐之以翦其心腹林甫不能救

也 五月乙卯賜安祿山爵東平郡王唐將帥封王自

此始

將即亮翻
帥所類翻

秋七月乙亥置廣文館於國子監以

教諸生習進士者

時廣文館置博士
二員助教一員

八月丁巳以安

祿山兼河北道采訪處置使 朔方節度使張齊丘給

糧失宜軍士怒毆其判官

毆為口翻

兵馬使郭子儀以身捍

齊丘乃得免

世皆知郭子儀得眾然後能捍免張齊丘
而不知當此之時唐之軍政果安在也

癸亥齊丘左遷濟陰太守

濟陰郡曹州
濟子禮翻

以河西節度使

安思順權知朔方節度事 辛卯處士崔昌上言

處昌
呂翻

上時
掌翻

國家宜承周漢以土代火周隋皆閔位不當以其

子孫為二王後事下公卿集議

下遐
嫁翻

集賢殿學士衛包

上言集議之夜四星聚於尾天意昭然上乃命求殷周

漢後為三恪廢韓介鄒公

韓元魏後介後周後鄭隋後
鄒戶圭翻孔穎達曰古春秋

左氏說周家封夏殷二王之後以為上公封黃帝堯舜
之後謂之三恪鄭氏云所存二王之後者命使郊天以
天子之禮祭其始祖受命之王自行其正朔服色恪者
敬也敬其先聖而封其後與諸侯無殊異不得比夏殷

後以昌為左贊善大夫包為虞部員外郎 冬十月庚

申上幸華清宮 太白山人王玄翼上言見玄元皇帝

言寶仙洞有妙寶真符

考異曰舊志王鉞奏玄翼見玄元于寶仙洞中遣鉞與張均

王儉王濟王翼王嶽靈于洞中得玉石函上清護國經寶篆紀錄等獻之今徒寶錄云

命刑部尚

書張均等往求得之時上尊道教慕長生故所在爭言

符瑞羣臣表賀無虛月李林甫等皆請舍宅為觀

觀古玩翻

以祝聖壽上悅 安祿山屢誘奚契丹為設會飲以良

茗酒

本草曰茗若子生海邊川谷今處處有之苗莖高二三尺許葉與地黃紅藍等而二指濶四月開花

紫色苗夾莖有白毛五月結實有殼作罌子狀如小石榴房中子至細青白如米粒甚費一二日而芽方生以釀酒其毒尤甚為于偽翻下先為同飲于鴆翻甚奇浪苦音蕩

醉而阮之動數千人

函其酋長之首以獻前後數四至是請入朝上命有司

先為起第於昭應

時王公皆私置第于昭應獨祿山以承恩命有司起第首應由翻長知兩

翻朝直
退翻

祿山至戲水

戲計
宜翻

楊釗兄弟姊妹皆往迎之冠

葢蔽野上自幸望春宮以待之辛未祿山獻奚俘八千

人上命考課之日書上上考前此聽祿山於上谷鑄錢

五壚祿山乃獻錢樣千緡

緡彌
頻翻

楊釗張易之之甥也

劉音昭 考異曰鄭需天寶故事云楊國忠本張易之之子天授中張易之恩幸莫比每歸私第詔令居樓上仍去其梯母恐張氏絕嗣乃密令女奴蟻珠上樓遂有娠而生國忠其說曖昧無稽今不取 奏乞昭

雪易之兄弟

易之兄弟誅見二百七卷中宗神龍元年

庚辰制引易之兄弟

迎中宗於房陵之功

迎中宗非特二張倡其議也事見二百六卷武后聖歷元年

復

其官爵

考異曰唐歷在七月二十五日今從實錄

仍賜一子官釗以圖識

有金刀請更名

識楚諧翻更工衡翻

上賜名國忠

十二月乙亥

上還宮

關西遊奕使王難得擊吐蕃克五橋拔樹敦

城以難得為白水軍使

使疏吏翻吐從服入聲樹敦城以古犬戎王樹憚名城隋在吐

谷渾界唐
在吐蕃界

安西四鎮節度使高仙芝偽與石國約和

引兵襲之虜其王及部衆以歸悉殺其老弱仙芝性貪

掠得瑟瑟十餘斛

使疏吏翻張揖廣雅曰瑟瑟碧珠也

黃金五六索馳其

餘口馬雜貨稱是皆入其家

為石國王子弟誘諸國以覆仙芝之師張本稱尺證

翻楊國忠德鮮于仲通

鮮于仲通資給國忠又推轂之事見上卷四載

薦為劍

南節度使仲通性褊急失蠻夷心

褊補典翻

故事南詔常與

妻子俱謁都督過雲南雲南太守張虔陀皆私之

過古禾翻

雲南郡姚州守式又翻

又多所徵求南詔王閣羅鳳不應虔陀遣

人詈辱之仍密奏其罪閻羅鳳忿然是歲發兵反攻陷

雲南殺虔陀取夷州三十二

夷州在西南夷附化羈縻之州也

十載春正月壬辰上朝獻太清宮癸巳朝享太廟

載祖

朝直

遺翻甲子合祭天地於南郊赦天下免天下今載地稅

上書壬辰癸巳下書丁酉則甲子當作甲午

丁酉命李林甫遙領朔方節度

使以戶部侍郎李暉知留後事庚子楊氏五宅夜遊

楊鉞錡及韓號素三夫人為五宅

與廣平公主從者爭西市門

廣平新書作廣

寧公主上女也從才用翻

楊氏奴揮鞭及公主衣公主墜馬駙馬程

昌裔下扶之亦被數鞭公主泣訴於上上為之杖殺楊

氏奴

被皮義翻為于偽翻
下司為使為遽為同

明日免昌裔官不聽朝謁

上命有司為安祿山治第於親仁坊

治直之翻

敕令但窮壯

麗不限財力既成具帷帶器皿充牣其中有帖白檀床

二皆長丈濶六尺

本草圖經曰檀香木如檀生南海種
有黃白紫之異帶音亦長直亮翻

銀平脫屏風帳方丈六尺於厨廐之物皆飾以金銀金

飯甕二

甕於耕
翻也

銀淘盆二

淘盆所
以浙米

皆受五斗織銀絲筐及

箴篋各一

篋去王翻所以瀝米箴側絞翻
篋音離箴籬所以轉釜取食物

它物稱是

稱尺

證翻

雖禁中服御之物殆不及也上每令中使為祿山護

役

護監護也使疏史翻下同

築第及造儲侍賜物常戒之曰胡眼大

勿令笑我

侍直里翻大唐佐翻

祿山入新第置酒乞降墨敕請宰

相至第是日上欲於樓下擊毬遽為罷戲命宰相赴之

日遣諸楊與之選勝遊宴侑以梨園教坊樂

梨園皇帝梨園弟子

也教坊內教坊也

上每食一物稍美或後苑校獵獲鮮禽輒遣

中使走馬賜之絡繹於路甲辰祿山生日上及貴妃賜

衣服寶器酒饌甚厚

饌離戀翻又離皖翻

後三日召祿山入禁中

貴妃以錦繡為大襖祿裏祿山使官人以綵與昇之

居襖

兩翻昇
羊茹翻

上聞後宮歡笑問其故左右以貴妃三日洗祿

兒對上自往觀之喜賜貴妃洗兒金銀錢復厚賜祿山

盡歡而罷

復扶
又翻

自是祿山出入宮掖不禁或與貴妃對

食或通宵不出頗有醜聲聞於外上亦不疑也

聞音問
觀明皇

所以待祿山者昏庸之主所不為殆天奪之魄也

考

異曰祿山事迹正月二十日祿山生日玄宗及太真賜

祿山器皿衣服件目甚多後三日召祿山入內貴妃以

錦繡綳縛祿山令內人以綵輿昇之宮中歡呼動地玄

宗使人問之報云貴妃與祿兒作三日洗兒玄宗就觀

之大悅因賜貴妃洗兒金銀錢物極歡而罷自是宮中

皆呼祿山為祿兒不集其出入溫翁天寶亂離西幸記
祿山諂約楊妃誓為子母自執國已下次及諸王皆戲
祿兒與之促膝娛宴上時聞後宮三千合處喧笑密偵
則祿山果在其內貴戚隸雜未之前聞凡曰釵鬟皆唱
厚利或通宵禁掖睚眦嬖嫡和士聞之出入臥內方此
為陳薊城侯之獲廁刑餘又奚足尚王仁裕天寶遺事
云祿山常與妃子同食無所不至帝恐外人以酒毒之
遂賜金牌子繫于臂上每有王公召宴欲沃以巨觥即
祿山以金牌示之云
準敕戒酒今略取之

安西節度使高仙芝入朝獻所
擒突騎施可汗吐蕃酋長石國王竭師王加仙芝開府
儀同三司尋以仙芝為河西節度使代安思順思順諷
羣胡割耳斃面請留已制復留思順於河西

斃力之翻
復扶又翻

安祿山求兼河東節度二月丙辰以河東節度使韓

休珉為左羽林將軍以祿山代之戶部郎中吉溫見祿

山有寵又附之約為兄弟說祿山曰李右丞相雖以時

事親三兄

天寶元年改侍中為左相中書令為右相李林甫時為右相中書令之職也丞字衍安祿

山第三說式芮翻

不必肯以兄為相溫雖蒙驅使終不得超擢

兄若薦溫於上溫即奏兄堪大任共排林甫出之為相

必矣祿山悅其言數稱溫才於上上亦忘曩日之言

數所

角翻忘巫放翻言見上卷四載

會祿山領河東因奏溫為節度副使知

留後以大理司直張通儒為留後判官

大理司直從六品上通儒帶司

直而為河東留後判官是後節鎮有帶六曹尚書有帶三省長官有帶三公三師其屬亦率帶六品以下朝職謂之帶職黃琮曰外官帶職有憲銜有檢校憲銜自監察御史至御史大夫檢校自國子祭酒至三公唐及五代之制也河東事悉以委之是時楊國忠為御史中丞方承

恩用事祿山登降殿階國忠常扶掖之

掖音亦

祿山與王

鉞俱為大夫鉞權任亞於李林甫祿山見林甫禮貌頗倨林甫陽以它事召王大夫鉞至趨拜甚謹祿山不覺自失容貌益恭林甫與祿山語每揣知其情先言之

初揣

委祿山驚服祿山於公卿皆慢侮之獨憚林甫每見雖

盛冬常汗沾衣林甫乃引與坐於中書廳

廳他經翻中庭日聽事言

受事察訟于是也漢晉皆作聽事六朝以來乃始加廣而徑曰廳

撫以溫言自解披袍

以覆之祿山忻荷言無不盡

覆敷又翻荷下可翻

謂林甫為十郎

林甫第十既歸范陽劉駱谷每自長安來必問十郎何言得

美言則喜或但云語安大夫

語牛倨翻

須好檢校輒反手據

牀曰噫嘻我死矣祿山既兼領三鎮賞刑已出日益驕

恣自以曩時不拜太子

事見上卷六載

見上春秋高頗內懼又

見武備墮弛

墮讀曰隤

有輕中國之心孔目官嚴莊

孔目官衙前吏

職也唐世始有此名言凡使司之事一孔一目皆須經由其手也

掌書記高尚

掌書記位判官

下古記室參軍之任

因為之解圖讖勸之作亂

為子偽翻讖楚諧翻

祿山養

同羅奚契丹降者八千餘人謂之曳落河

契欺訖翻又音喫降戶江

翻考異曰祿山事迹云養為已子按養子必無八千之數今不取

曳落河者胡言壯士

也及家僮百餘人皆驍勇善戰一可當百又畜戰馬數

萬匹

驍堅亮翻畜許六翻

多聚兵仗分遣商胡詣諸道販鬻歲輸

珍貨數百萬

輸春遇翻

私作緋紫袍魚袋以百萬計以高尚

嚴莊張通儒及將軍孫孝哲為心腹史思明安守忠李

歸仁蔡希德牛廷玠向潤容

向式亮
翻姓也

李庭望崔乾祐尹

子奇何千年武令珣能元皓

能奴代翻何氏姓死
云能姓出自長廣

田承

嗣田乾真阿史那承慶為爪牙尚雍奴人

雍奴天寶元
年更名武清

屬范陽郡此因
舊縣名書之

本名不危頗有辭學薄遊河朔貧困不

得志常歎曰高不危當舉大事而死豈能齧艸根求活

邪祿山引置幕府出入卧内尚典賫奏莊治簿書

治直
之翻

通儒萬歲之子

張萬歲唐初掌廐牧通儒必非其子
或者其孫也否則別又有一張萬歲

孝

哲契丹也承嗣世為盧龍小校祿山以為前鋒兵馬使

嘗大雪祿山按行諸營

校戶教翻使疏
史翻行下孟翻

至承嗣營寂若

無人入閱士卒無一人不在者祿山以是重之 夏四

月壬午劍南節度使鮮于仲通討南詔蠻大敗於瀘南

瀘水之南也武后垂拱元年置長城縣屬姚州天寶初
更名瀘南縣 考異曰楊國忠傳南蠻質子閣羅鳳亡

歸不獲帝怒欲討之國忠薦閬州人鮮于仲通為益州
長史令帥精兵八萬討南蠻按南詔傳七年蒙歸義死

詔閣羅鳳襲雲南王不云嘗為質子亡歸也九年姚州
自以張虔陀侵之故反時鮮于仲通已為益州長史國

忠傳與南詔傳相違
新舊書皆如此恐誤時仲通將兵八萬分二道出戎雋

州至曲州靖州

分為二道一道出戎州一道出焉州也自戎州開邊縣西行七十里至曲州自

焉州西南行八百餘里渡瀘水曲州本隋之恭州古朱提之地武德八年更名曲州靖州隋唐屬協州古夜郎地

武德初分協州置靖州焉音髓

南詔王閣羅鳳謝罪請還所俘掠城雲

南而去

去年南詔攻陷雲南城必有夷毀處故請城之以謝罪

且曰今吐蕃大兵

壓境若不許我我將歸命吐蕃雲南非唐有也仲通不

許因其使進軍至西洱河與閣羅鳳戰軍大敗

使疏吏翻洱乃

吏士卒死者六萬人仲通僅以身免楊國忠掩其敗狀

仍叙其戰功

考異曰唐歷云令仲通白衣領節度事舊傳無之按既掩敗叙功豈得復白衣領

職閻羅鳳斂戰尸築為京觀觀古玩翻遂北臣於吐蕃蠻語

謂弟為鍾吐蕃命閻羅鳳為贊普鍾號曰東帝給以金

印閻羅鳳刻碑於國門言已不得已而叛唐且曰我世

世事唐受其封爵後世容復歸唐當指碑以示唐使者

知吾之叛非本心也其後德宗之世異牟尋卒復歸唐復扶又翻制大募兩

京及河南北兵以擊南詔人聞雲南多瘴癘未戰士卒

死者什八九莫肯應募楊國忠遣御史分道捕人連枷

送詣軍所舊制百姓有勲者免征役時調兵既多調徒弔翻

國忠奏先取高勲於是行者愁怨父母妻子送之所在

哭聲振野 高仙芝之虜石國王也石國王子逃詣諸

胡具告仙芝欺誘貪暴之狀

誘音西

諸胡皆怒潛引大食

欲共攻四鎮仙芝聞之將蕃漢三萬衆擊大食

將即曉翻考

異曰馬宇段秀實別傳云蕃漢六萬衆今從唐歷

深入七百餘里至恒羅斯城

或作恒羅斯城

與大食遇相持五日葛羅祿部衆叛

葛羅祿即葛邏祿

與大食夾攻唐軍仙芝大敗士卒死亡略盡所餘纔數

千人右威衛將軍李嗣業勸仙芝宵遁道路阻隘拔汗

那部衆在前人畜塞路

拔汗那時從仙芝擊大食塞悉則翻

嗣業前驅奮

大槌擊之人馬俱斃仙芝乃得過將士相失別將汧陽

段秀實

汧陽郡本隴州隴東郡元年改郡名有汧陽縣蓋元魏所置槌侍鼎翻將即亮翻下同汧口堅

翻

聞嗣業之聲詬曰

詬苦候翻

避敵先奔無勇也全已棄衆

不仁也幸而得達獨無愧乎嗣業執其手謝之留拒追

兵收散卒得俱免還至安西言於仙芝以秀實兼都知

兵馬使為已判官八月丙辰武庫火燒兵器三十七

萬

考異曰唐歷云四十七年事今從實錄

安祿山將三道兵六萬

幽州平盧

河東
三道

以付契丹以奚騎二千為鄉導

騎奇寄翻下同鄉讀曰嚮

過平

盧千餘里至土護真水遇雨

自雄武軍東北渡灤河有古盧龍鎮有斗陁嶺自古

盧龍北經九荆嶺受末城張洪隘度石嶺至奚王帳六百里又東北傍吐護真河五百里至奚契丹牙帳又出檀州燕樂縣東北百八十五里至長城口又北八百里有吐護真河奚王牙帳也

祿山引兵晝

夜兼行三百餘里至契丹牙帳契丹大駭時久雨弓弩

筋膠皆弛大將何思德言於祿山曰吾兵雖多遠來疲

弊實不可用不如按甲息兵以臨之不過三日虜必降

將即亮翻下同降戶降翻

祿山怒欲斬之思德請前驅效死思德貌

類祿山虜爭擊殺之以為已得祿山勇氣增倍奚復叛

與契丹合夾擊唐兵殺傷殆盡射祿山中鞍折冠簪失

屨獨與麾下二十騎走會夜追騎解得入師州

貞觀三年以室

韋部落置師州治營州之廢陽師鎮復

扶又翻射而亦翻中竹仲翻折而設翻歸罪於左賢王

哥解

哥解蓋自突厥來降者解戶買翻

河東兵馬使魚承仙而斬之平

盧兵馬使史思明懼逃入山谷近二旬

近其新翻

收散卒得

七百人平盧守將史定方將精兵二千救祿山契丹引

去祿山乃得免至平盧麾下皆亡不知所出史思明出

見祿山祿山喜起執其手曰吾得汝復何憂

復扶又翻

思明

退謂人曰卿使早出已與哥解并斬矣

史言史思明之智數過于安祿

山契丹圍師州祿山使思明擊却之

冬十月壬子上

幸華清宮

楊國忠使鮮于仲通表請已遙領劔南十

一月丙午以國忠領劔南節度使

十一載春正月丁亥上還宮 二月庚午命有司出粟

帛及庫錢數十萬緡於兩市易惡錢

考異曰舊紀唐應皆作癸酉今從

實錄先是江淮多惡錢貴戚大商往往以良錢一易惡錢

五載入長安市井不勝其弊

先悉薦翻勝音升

故李林甫奏請

禁之官為易取期一月不輸官者罪之于是商賈囂然

不以為便

賈音古罵許驕翻又五刀翻

衆共遮楊國忠馬自言國忠

為之言於上乃更命非鈗錫所鑄及穿穴者皆聽用之

如故

為于偽翻更工衡翻

三月安祿山發蕃漢步騎二十萬擊

契丹欲以雪去秋之恥初突厥阿布思來降

事見上卷元年降戶

江翻

上厚禮之賜姓名李獻忠累遷朔方節度副使賜

爵奉信王獻忠有才略不為安祿山下祿山恨之至是

奏請獻忠帥同羅數萬騎與俱擊契丹

帥讀曰率下同

獻忠恐

為祿山所害白留後張暉請奏留不行暉不許

安祿山領河東

而張暉為留後暉知附祿山而已豈肯從阿布思請哉

獻忠乃率所部大掠倉庫

叛歸漠北祿山遂頓兵不進

乙巳改吏部為文部兵

部為武部刑部為憲部

戶部侍郎兼御史大夫京兆

尹王鉞權寵日盛領二十餘使宅旁為使院文案盈積

吏求署一字累日不得前中使賜賚不絕於門

使疏吏翻齊來

代雖李林甫亦畏避之林甫子岫為將作監鉞子準為

衛尉少卿俱供奉禁中準陵侮岫岫常下之

下選嫁翻

然鉗

事林甫謹林甫雖忌其寵不忍害也準嘗帥其徒過駙

馬都尉王繇

王繇同皎之子也帥讀曰率過工未翻

繇望塵拜伏準挾彈

命中於繇冠折其玉簪以為戲笑

彈徒旦翻命中者先命其處而後中之中

竹仲翻折而設翻

既而繇延準置酒繇所尚永穆公主上之愛

女也

黃琮曰皇女有美名公主或以德或以容或以福壽設名最多又有郡公主小國中國等

為準

親執刀匕

刀匕宰夫之職記杜蕢曰蕢也宰夫也惟刀匕是共為于偽翻下同

準去或謂

繇曰鼠雖挾其父勢

稱之為鼠微之也

君乃使公主為之具食

為于偽翻有如上聞無乃非宜繇曰上雖怒無害至于七郎

王銑第七銑死生所繫不敢不爾銑弟戶部郎中鐸凶險不法

鐸何旦翻名術士仕海川任音士姓也問我有王者之相否相悉亮翻

海川懼亡匿銑恐事洩捕得託以它事杖殺之王府司

馬韋會定安公主之子王繇之同產也定安公主中宗女下嫁王司徒

生繇又嫁韋濯生會話之私庭銑使長安尉賈季鄰收會繫獄繇

殺之繇於計翻繇不敢言鐸所善邢緯緯作代翻與龍武萬騎謀

殺龍武將軍以其兵作亂殺李林甫陳希烈楊國忠前

期二日有告之者夏四月乙酉上臨朝

朝直遣朝

以告狀面

授鉞使捕之鉞意錁在絳所先使人召之日晏乃命賈

季鄰等捕絳絳居金城坊

金城坊朱雀街西第四街之北宋第二坊漢關成廟傳望

北辰園皆在焉

季鄰等至門絳帥其黨數十人持弓刀格闕突

出

即讀曰率

鉞與楊國忠引兵繼至絳黨曰勿傷大夫人

言勿

傷鉞所部人也大夫稱鉞之官

國忠之僉密謂國忠曰賊有號不可戰

也

今人謂私記為號言賊私為記號以相識別僉苦念翻

絳闕且走至皇城西南

隅

京城之內有皇城皇城之內有宮城

會高力士引飛龍禁軍四百至

飛龍

禁軍乘飛龍廐馬者也武后置仗內
六開一曰飛龍以中官為內飛龍使擊斬縛捕其黨皆

擒之國忠以狀白上曰鉞必預謀上以鉞任遇深不應

與同逆李林甫亦為之辯解
為于偽翻上乃特命原鐸不問

然意欲鉞表請罪之使國忠諷之鉞不忍上怒會陳希

烈極言鉞大逆當誅戊子敕希烈與國忠鞠之仍以國

忠兼京兆尹於是任海川韋會等事皆發獄具鉞賜自

盡鐸杖死於朝堂

朝直
還翻

鉞子準偁流嶺南

偶造
繩翻

尋殺之

有司籍其第舍數日不能徧鉞賓佐莫敢窺其門獨采

訪判官裴冕收其尸葬之

王鉞蓋燕京
歲來訪使

初李林甫以

陳希烈易制引為相

事見上卷五
載易以跋翻

政事常隨林甫左右

晚節遂與林甫為敵林甫懼會李獻忠叛林甫乃請解

朔方節制且薦河西節度使安思順自代庚子以思順

為朔方節度使

使疏
吏翻

五月戊申慶王琮薨贈靖德太

子

琮祖宗翻贈字之下逸謚
字既曰贈矣庶謚字亦可

丙辰京兆尹楊國忠加

御史大夫京畿關內采訪等使凡王鉞所綰使務悉歸

國忠

鉞
使疏吏翻

初李林甫以國忠微才且貴妃之族故

善遇之國忠與王鉞俱為中丞鉞用林甫薦為大夫故

國忠不悅遂深探邢緯獄

探吐南翻
緯作代翻

令引林甫交私鉞

兄弟及阿布思事狀

丁令力翻

陳希烈哥舒翰從而證之上

由是疎林甫國忠貴震天下始與林甫為仇敵矣 六

月甲子楊國忠奏吐蕃兵六十萬救南詔

吐從職
入聲

劔南

兵擊破之於雲南克故隰州等三城

考異曰實錄兵
部侍郎兼御史中

丞劔南節度使楊國忠破吐蕃于雲南拔故隰州等三
城獻俘于朝唐歷國忠上言破吐蕃于雲南拔故洪州
等三城按國忠時在長安蓋劔南破吐蕃以國忠領節
制故使之上表獻俘耳時國忠已為大夫云中丞誤也

隰州從實錄

捕虜六千三百以道遠簡壯者千餘人及酋長

降者獻之

酋慈由翻長知兩翻降戶江翻

秋八月乙丑上復幸左藏

賜羣臣帛

蜀本作巳丑當從之八載巳嘗幸左藏賜群臣帛矣故此書復復扶又翻藏音祖浪翻

癸巳楊國忠奏有鳳皇見左藏庫屋出納判官魏仲犀

言鳳集庫西通訓門

左藏舊有令丞而已出納判官蓋帝置也是時分立諸使舊來司存

之官備員莫得舉其職楊國忠方承恩遇領使最多蓋兼領左藏出納使而以魏仲犀為判官也宋白曰天寶二年始命張瑄充太府出納使閭本太極宮西左藏庫之西則通明門見賢通翻

九月阿布思

入寇圍永清柵

永清柵亦曰永濟柵在中受降城之西二百里大同川

柵使張元

軌拒却之

使疏吏翻

冬十月戊寅上幸華清宮 己亥改

通訓門曰鳳集門魏仲犀遷殿中侍御史楊國忠屬吏

率以鳳皇優得調

調徒鈞翻

南詔數寇邊蜀人請楊國忠

赴鎮

去年楊國忠領劔南蜀人因于兵故請之數所角翻

左僕射兼右相李林甫

奏遣之國忠將行泣辭上言必為林甫所害貴妃亦為

之請上謂國忠曰卿蹙到蜀區處軍事朕屈指待卿還

當入相

屈指計日以待之亦為于偽翻處昌呂翻相息亮翻

林甫時已有疾憂懣

不知所為

懣莫困翻又莫緩翻中煩也

巫言一見上可小愈上欲就

視之左右固諫上乃令林甫出庭中

林甫時蓋卧疾昭應私第

上登

降聖閣遙望

天寶七載十二月以玄元皇帝見於朝元閣改為降聖閣在華清宮中

以紅

巾招之

今富貴之家悅巾率以臘脂染之為真紅色唐之遺俗也

林甫不能拜使人

代拜國忠比至蜀

比必利翻及也

上遣中使召還

中使疏吏翻

至昭

應謁林甫拜於牀下林甫流涕謂曰林甫死矣公必為

相以後事累公

累力瑞翻

國忠謝不敢當汗出覆面

國忠素憚林甫

故然覆數又翻

十一月丁卯林甫薨上晚年自恃承平以為天

下無復可憂

復扶又翻

遂深居禁中專以聲色自娛悉委政

事於林甫林甫媚事左右迎合上意以固其寵杜絕言

路掩蔽聰明以成其姦妬賢疾能排抑勝已以保其位

屢起大獄誅逐貴臣以張其勢

張知亮翻

自皇太子以下畏

之側足凡在相位十九年

開元二十二年始相林甫至是年十九年

養成

天下之亂而上不之寤也

庚申以楊國忠為右相兼

文部尚書

右相即中書令文部即吏部

其判使並如故

判如判度支之類使謂諸

使使疏吏翻

國忠為人彊辯而輕躁無威儀既為相以天下

為已任裁決機務敢不疑居朝廷攘袂扼腕

躁則到翻相息

亮翻朝直還
翻脫烏貫翻

公卿以下頤指氣使莫不震懼懼之自侍涉翻

御史至為相

楊國忠兼侍御史在六載七載之間

凡領四十餘使

楊國忠為度支

郎領十五餘使至宰相凡領四十餘使新舊唐史皆不詳載其職案其拜相制前街云御史大夫判度支權知

太府卿事兼蜀郡長史劍南節度支度營田等副大使本道兼山南西道采訪處置使兩京太府司農出納監

倉祀祭木炭官市長春九成宮等使闕內道及京畿采訪處置使拜右相兼吏部尚書集賢殿崇玄館學士修

國史太清太微宮使自餘所領又有管當租庸錢等使以是觀之概可見

臺省官有才行

時名

行下孟翻

不為已用者皆出之或勸陝郡進士張彖謁

國忠

陝郡本陝州弘農郡天寶元年更郡名陝失丹翻

曰見之富貴立可圖彖

曰君輩倚楊右相如泰山吾以為冰山耳若皎日既出

君輩得無失所恃乎遂隱居嵩山國忠以司勳貲外郎

崔圓為劔南留後徵魏郡太守吉溫為御史中丞充京

畿關內採訪等使

魏郡魏州京畿關內先置兩採訪使今令溫兼充

溫詣范陽

辭安祿山

魏郡屬河北道採訪使時祿山兼採訪使故溫往辭

祿山令其子慶緒

送至境為溫控馬出驛數十步

為于偽翻

溫至長安凡朝廷

動靜輒報祿山信宿而達 十二月楊國忠欲收人望

建議文部選人無問賢不肖選深者留之依資據闕注

官

選須絹翻紀在七月舊紀

考異曰唐歷此敕在十月二十七日統

日便定留放無長名按國忠作相始兼文部尚書七月未也今從舊紀

滯淹者翕然稱之

國忠凡所施置皆曲盡人所欲故頗得衆譽 甲申以

平盧兵馬使史思明兼北平太守充盧龍軍使

使疏吏翻

丁亥上還宮

還自華清宮

考異曰本紀唐

丁酉以

安西行軍司馬封常清為安西四鎮節度使

唐制行軍司馬位節

度副使之上天寶以後節鎮以為儲帥

哥舒翰素與安祿山安思順不

協上常和解之使為兄弟是冬三人俱入朝

朝直

上使

高力士宴之於城東祿山謂翰曰我父胡母突厥公父

突厥母胡族類頗同何得不相親翰曰古人云狐向窟

嗥不祥為其忘本故也

厥九勿翻窟若骨翻嗥戶刀翻為于偽翻

兄苟見親

翰敢不盡心祿山以為譏其胡也大怒罵翰曰突厥敢

爾翰欲應之力士目翰翰乃止陽醉而散自是為怨愈

深 棣王琰有二孺人爭寵

曲禮大夫之妻曰孺人注孺之言屬正義曰孺屬也

言其為親屬唐制親王有孺人二人視正五品孺而樹翻

其一使巫書符置琰履中

以求媚琰與監院宦者有隙

時諸皇子列宿禁城之宦北宦者監之監古街翻

者知之密奏琰祝詛上上使人掩其履而獲之太怒琰頓首謝臣實不知有符上使鞫之果孺人所為上猶疑

琰知之因于鷹狗坊

鷹狗坊屬開府使

絕朝請

朝直選勸

憂憤而薨

故事兵吏部尚書知政事者

知政事即宰相之職

選事悉委侍

郎以下

選須納翻

三注三唱仍過門下省審自春及夏其事

乃畢

唐制六品以下赴選始集而試觀其書判已試而銓察其身言已銓而注詢其便利而擬已注而唱

不厭者得反通其辭三唱而不厭者聽冬集厭者為甲上于僕射乃上門下省給事中讀之黃門侍郎省之侍

中審之然後以聞主者受旨而奉行焉謂之奏受省悉景翻

及楊國忠以宰相領文

部尚書欲自示精敏乃遣令史先於私第密定名闕

十二載春正月壬戌國忠召左相陳希烈及給事中諸

司長官皆集尚書都堂

尚書都堂尚書都省之堂也長知兩翻

唱注選人

一日而畢曰今左相給事中俱在座已過門下矣

左相即侍

中與給事皆門下省官

其間資格差繆甚衆無敢言者於是門下

不復過官

復狀又翻

侍郎但掌試判而已侍郎韋見素張倚

趨走門庭與主事無異

吏部主事四人吏職也

見素湊之子也

韋湊

見二百十卷唐宗景雲元年

京兆尹鮮于仲通諷選人請為國忠刻

頌立於省門制仲通撰其辭上為改定數字

撰士免翻為于偽翻

仲通以金填之

楊國忠使人說安祿山

說式芮翻

誣李林

甫與阿布思謀反祿山使阿布思部落降者詣闕誣告

林甫與阿布思約為父子上信之下吏按問

降戶江翻下戶城翻

林甫壻諫議大夫楊齊宣懼為所累

累力瑞翻

附國忠意證

成之時林甫尚未葬二月癸未制削林甫官爵子孫有

官者除名流嶺南及黔中

黔音裴

給隨身衣及糧食自餘

貲產並沒官近親及黨與坐貶者五十餘人剖林甫棺

挾取含珠襦金紫

挾於穴翻含戶紐翻襦教男翻

更以小棺如庶人禮

葬之

更工衛翻

己亥賜陳希烈爵許國公楊國忠爵魏國公

賞其成林甫之獄也

夏五月己酉復以魏周隋後為

三恪

改三恪見上九載

楊國忠欲攻李林甫之短也衛色以助

邪貶夜郎尉

夜郎縣屬濠州貞觀十六年開山洞置

崔冒貶烏雷尉

烏雷縣帶

州

阿布思為回紇所破安祿山誘其部落而降之

誘音

酉降戶江翻

由是祿山精兵天下莫及壬辰以左武衛大

將軍何復光將嶺南五府兵

五府廣桂邕容交將即亮翻

擊南詔

安祿山以李林甫狡猾踰已故畏服之及楊國忠為相

祿山視之蔑如也

蔑無也言覓之若無也

由是有隙國忠屢言祿

山有反狀上不聽隴右節度使哥舒翰擊吐蕃拔洪濟

太漠門等城悉收九曲部落

吐蕃得九曲地見二百十卷睿宗景雲元年鄆州西

南百四十里有洪濟橋

初高麗人王思禮與翰俱為押牙事王

忠嗣翰為節度使思禮為兵馬使兼河源軍使

麗力知翻使疏

吏翻翰擊九曲思禮後期翰將斬之既而復召釋之思禮

徐曰斬則遂斬復召何為

復扶又翻

楊國忠欲厚結翰共排

安祿山奏以翰兼河西節度使秋八月戊戌賜翰爵西

平郡王翰表侍御史裴冕為河西行軍司馬是時中國

盛彊自安遠門西盡唐境萬二千里

長安城西面北來第一門曰安遠門

本隋之開遠門也西盡唐境萬二千里併西域內屬諸國言之

閭閻相望桑麻翳野天

下稱富庶者無如隴右翰每遣使入奏常乘白索馳日

馳五百里

使疏吏翻

九月甲辰以突騎施黑姓可汗登里

伊羅蜜施為突騎施可汗

北庭都護程千里追阿布

思至磧西以書諭葛邏祿使相應

磧七迹翻邏郎佐翻

阿布思窮

迫歸葛邏祿葛邏祿葉護執之并其妻子麾下數千人

送之甲寅加葛邏祿葉護頓毗伽開府儀同三司賜爵

金山王 冬十月戊寅上幸華清宮

考異曰舊紀唐
歷皆作戊申按長

歷是月無戊申今從實錄
然實錄在辛巳後蓋誤

楊國忠與虢國夫人居第相

鄰

虢國居宣陽坊國
忠居第在其西

晝夜往來無復期度或並轡走馬

入朝不施鄣幕

婦人出必有障幕以自蔽
復扶又翻朝直遙翻下同

道路為之掩

目三夫人將從車駕幸華清宮

三夫人韓虢秦
也為于偽翻

會於國

忠第車馬僕從充溢數坊

從才
用翻

錦繡珠玉鮮華奪目國

忠謂客曰吾本寒家一旦緣椒房至此未知稅駕之所

然念終不能致令名不若且極樂耳楊氏五家隊各為

一色衣以相別

樂音洛別
彼列翻

五家合隊粲若雲錦

合音

國

忠仍以劔南旌節引于其前國忠子暄舉明經學業荒

陋不及格禮部侍郎達奚珣畏國忠權勢遣其子昭應

尉撫先白之撫伺國忠入朝上馬

伺相吏翻
上時掌翻

趨至馬下

國忠意其子必中選有喜色撫曰大人白相公郎君所

試不中程式然亦未敢落也

落謂黜落也
中竹仲翻

國忠怒曰我

子何患不富貴乃令鼠輩相賣策馬不顧而去撫惶遽

書白其父曰彼恃挾貴勢令人慘嗟安可復與論曲直

復扶
又翻

遂置暄上第及暄為戶部侍郎珣始自禮部遷吏

部暄與所親言猶歎已之淹回珣之迅疾國忠既居要

地中外餉遺輻湊

遺于
季翻

積纁至三千萬匹上在華清

宮欲夜出遊龍武大將軍陳玄禮諫曰宮外即曠野安

可不備不虞陛下必欲夜遊請歸城闕上為之引還

為于

偽翻
還從宣翻
又如字下同

是歲安西節度使封常清擊大勃律

至菩薩勞城

新舊書並作賀菩薩勞城
菩薩胡翻薩桑葛翻

前鋒屢捷常清乘

勝逐之斥候府果毅段秀實諫曰

新書作隴州大堆
府果獲此從舊書虜

兵羸而屢北誘我也

羸倫為翻
誘音酉

請搜左右山林常清從

之果獲伏兵遂大破之受降而還中書舍人宋昱知

選事前進士廣平劉迺以選法未善

廣平郡本洛州武
安都天寶元年更

名選須
絹翻

上書於昱以為禹稷臯陶同居舜朝猶曰載采

有九德考績以九載

書臯陶曰亦行有九德亦言其人
有德乃言曰載米采禹曰何臯陶

曰寬而栗柔而立德而恭亂而敬擾而毅直而溫簡而
廉剛而塞彊而義彰厥有常吉哉又舜典曰三載考績

三考點陟出明三考九載也上
時掌翻陶余招翻九載子亥翻

近代主司察言于一幅

之判觀行于一揖之間何古今遲速不侔之甚哉借使

周公孔子介處銓廷

銓廷謂吏部銓量選
人之所處昌呂翻

考其辭華則

不及徐庾

徐陵庾信唐正元大
鼎以前皆尚其文

觀其利口則不若嵇夫

書未事見十四
卷漢文帝三年

何服論聖賢之事業乎

資治通鑑卷二百十六